

# 目次

## 豐城筆會

一得愚生・丁曉玲	一
人在天涯・王燕・王品科	二
王蟄堪・今是昨非齋	三
心上秋・水村	四
水擊三千・半廢	五
永和居主・西江釣客・仰齋	六
向閑	七
任紛紛・竹韻清風・老石	八
江湖小李	九
李金輝・青竹・抱月齋	一〇
東華人氏	一一
披雲・金水	一二
草嘯・柳夢無痕	一三
城溪先生	一四
胖大海・紅葉・紅土川原	一五
桃盆栽	一六
菜人・殊熠在天・高涼	一七
梅雲	一八
惜夢緣・雲海	一九
雲樓月・雲生海樓	二〇
紫藤	二一

## ◇目次◇

楚成・煙兒・鄱湖漁歌	二二
菓子・劇飲千杯	二三
劍川・劍塵	二四
潯陽倦客	二五
臨川沐風・瀚海胡楊	二六
社員風華	二七
一得愚生	二七
天一谷	三〇
今是昨非齋	三三
水擊三千	三三
西江釣徒	三七
仰齋	四一
向閑	四七
任紛紛	五二
江湖小李	五五
抱月齋	五六
東華人氏	五九
披雲	六二
草嘯	六六
胖大海	七〇
紅葉	七三
紅土川原	七六
華仔	七九
菜人	八一

◇ 江右風雅 ◇

殊熠在天	八四
虔青草	八九
梅雲	九二
皎月	九五
雲海	九八
雲中鸞	一〇一
紫藤	一〇四
楚成	一〇七
鄱湖漁歌	一一〇
劇飲千杯	一一四
劍川	一一五
劍塵	一一七
潯陽倦客	一二〇
<b>社課擲英</b>	
夏課：偶感、感事、感懷，擇一即可	一二四
秋課：親情	一二五
冬課：取衣食住行任一為詠，題自擬	一二六
<b>四海詩鴻</b>	
一縷·丁螢·丁曉玲·小	一二九
王蟄堪·不過再試·天狼	一三〇
五月雪飛·文若·文華堂·水村	一三一
水虎英雄·半葉·白雲飛	一三二
汀州白鷺·司馬長風·芊若	一三三
江南楚客·冰川·林清曉·雨如	一三四

昆陽子·往齋·金水	一三五
孟依依·春江水·柳父·恨比春深	一三六
秋靈·泉名·風中飛羽·風露中宵	一三七
素心若雪·桃盆栽·徐迅·徐教五	一三八
紅塵·梅兮若	一三九
梅如是·梅兜兜·高涼	一四〇
唐小令·惜夢緣·酒寒	一四一
清角吹寒·荻荻·葉子	一四二
雲雀·雲想容·雲樓月	一四三
雲月一鶴·雲生海樓·雲偕鶴影	一四四
雲夢浪子·湖東居士·游暢·寒硯	一四五
無以為名·無稽齋主·楊青青	一四六
夢煙霏·楚魚·楚家冲	一四七
零落一身秋·紫簫吟月·虞廷	一四八
虞某人·煙雲了了	一四九
漁語樵言·漁唱起三更	一五〇
綠楊煙外·綠茗清風·嘿嘿·墨滌生	一五一
蕭散·羲皇上人	一五二
瀚海胡楊·邀月·獨笑樓主	一五三
獨孤食肉獸·藍天孤鶴·臨川沐風	一五四
戴壽泉·鍾靈毓秀·離垢居	一五五
蘇青·蘇山郎中·顧邪	一五六
江右詩社名錄	一五七

附錄

一得愚生

次韻奉答劍川兄江右詩社豐城雅集延賓詩

劍江春浩蕩，繁錦待誰收。鳳管鳴伊甸，龍光迸此州。藻攤紅杏雨，簪盍碧雲樓。庶可勞筋息，花間一逗留。

奉和仰老邀茗詩

春醒何以解，七碗壓千樽。凝篆茶煙細，擁牕花氣蕃。人情真可啜，韻事不須敦。談笑清風裏，緇塵淡一痕。

偕遊豐水湖公園，有和合塔與狀元樓並峙，予獨斂足塔下

一塔攀天起，簷牙矯欲翬。罡風當八面，文氣壯三分。仰首思齊鶴，回身羨采芹。徘徊慙陋質，不敢上拏雲。

劍池

掘得螭紋古，寒芒蟄久微。未經青石礪，已化白虹飛。碑勒月池在，劫移人世非。敢期長嘯裏，有客斬蛇歸。

丁曉玲

女，江蘇鎮江

江西仰齋先生邀飲茶，步韻

豈爲千里阻，欣赴豫章樽。帆挂江雲白，鳥分風葉蕃。振衣危閣古，長揖仰山敦。茶畔一沉醉，應畱羽化痕。

豐城劍池，步仰齋先生韻

文光劍氣至今寒，一勺清波欣久安。緩緩花開聽蘚上，疏疏草綠到裾端。簾疑夢古城雲捲，路自香深書院寬。料理詞章春睡後，忽傳江右起文瀾！

人在天涯

河南，  
居北京

遙賀江右詩社年會步韻劍川兄

龍吟雄劍邑，入匣未芒收。異物傳千載，寒光射九州。地靈形勝地，人傑玉華樓。霜刃凌空舞，豪情任去留。

王燕

北  
京

步和仰翁《豐城詩會得間延諸友茶敘》之作

來踐仰翁約，茶甌繼酒樽。語焉惟淡宕，樂祇亦便蕃。盛友饒清長，疏才愧不敦。豫章逢暮雨，贛水見新痕。

王品科

江西  
九江

登和合塔、狀元樓

一躍雲天上九霄，喜看豐水涌春潮。何時有幸重來訪，月照樓頭吹玉簫？

### 訪豐城劍池

三春暖氣盈，古驛貌如英。湫水一池碧，蒼苔滿徑生。青霜遺匣在，紫氣漢霄橫。雙劍化龍去，但聞布穀鳴。

王塾堪

天

臺城路

庚寅上巳豐城雅集，時玉樹方聞震警。

一天花雨催春暮，魂銷劍池詩酒。座上陳蕃，樽前孺子，神接蘭亭時候。龍光射斗。盡簫客才人，曲星文宿。自古風流，漫將詞筆話江右。京塵懶開倦眼，陰晴關冷暖，天意難叩。嫩約前盟，今鴻舊雨，淚惹相逢衫袖。霜毫看取。正韻逐尖叉，展縑題就。別有傷懷，劫邊驚地吼。

### 今是昨非齋

次韻奉酬劍川兄江右詩社豐城雅集迎賓詩

久約爲修禊，詩心不可收。江山盈紫氣，師友下洪州。高詠傳千里，清樽共一樓。臨風無限意，勝日喜勾留。

敬和仰老延諸友茗談詩

豐城三日會，遽爾共離樽。禊事年年約，春花在在蕃。笑談人不寐，和合誼長敦。揮手從茲去，天邊暗黛痕。豐城新建有和合塔。第七用太白成句。

豐城和合塔高三層庚寅上巳次日與諸友同登僅及四層而止因成一律以紀茲遊  
浮屠新構壯新城，今日憑臨百感並。寶劍千年銷紫氣，豐湖一帶福蒼生。嘉名和合民心順，  
勝友聯翩雅韻賡。重到何時能踐約，披襟直上最高層。臨別余約重到豐城，恐重到之無由也。

### 心上秋

女，山東  
居廣州

奉和仰齋韻，預爲熊老師迴廣州接風

遙聞談笑裏，射覆鬪金樽。詩領風騷集，社開枝葉蕃。放言多俊逸，執手悅情敦。佇望南  
歸客，青衫帶酒痕。

### 和合塔

劍塔明今古，陰陽證合和。無端長夜雨，幾處大風歌。故事憑添韻，傳聞漸轉訛。幾時驚  
霹靂？白氣貫銀河。

### 劍池

萬載悲歌裏，蕭蕭俠客行。天光星愈暗，劍氣斗然橫。寥落遺真迹，紛繁絕古聲。空池誰  
復問，猶作不平鳴？

### 水村

廣西  
柳州

和劍川先生迎客詩

得踐經年約，眞成一穀收。雌雄騰古劍，風雨會洪州。酒佐花生筆，詩狂人倚樓。香泉流

玉藻，投轄衆賢留。豐城有香泉井，自古能卜文運興衰。

### 雙劍吟

神物潛藏不計年，偶憑造化躍雲天。龍光以此知新府，短榻何妨臥大賢。奕代文章留簡冊，清時俊彥賦奇篇。延平一會歸初地，輝媚山河結夙緣。

### 豐城劍池

天地生成似有因，延平去後世纔珍。入匣初爲留典範，韜光誰惜老風塵。潛藏泉下知能忍，得露人間豈不神。笑我遠來求未得，興嗟時有壯懷陳。

### 水擊三千

#### 豐城年會未克與，遙和仰老延客詩

無邊春似酒，新碧正盈樽。花翦晴光碎，雲屯蘭氣蕃。積年情漸溢，墮夢念何敦。翹首撓心處，流風劃幾痕。

### 半廢

旅美

#### 次韻賀江右詩社年會

霜雪但千秋，風騷渾未收。儒坑發異種，文革領荒州。吾皇久限舌，囹圄縱排樓。逸氣巡江右，新吟接古留。

## 永和居士

江西  
豐城

### 次劍塵、劍川兄韻兼懷豐城諸子

稍時待爾弟，數盞或遲收？爾弟為尋夢，盤桓在廣州。龍光輝劍匣，雁影暗碣樓。亦恐桃花謝，他鄉不久留。

### 豐城詩會未赴拜讀仰老詩有懷步韻

誰彈楊柳曲，誰舉榴花樽？雅韻空三色，豪情動六蕃。聆音思仰老，在耳猶敦敦。江海十年夢，滄桑一道痕。

### 劍池

書中劍化龍，眼前碑覆土。眞理每千劫，謊言終萬古。

## 西江釣客

### 步韻奉和劍川兄江右詩社豐城雅聚延賓詩

海氣江聲月，繁華一望收。歌吟思劍邑，梗泛厭杭州。笑待清和日，欣逢快意樓。行年堪學易，恥爲利名留。

## 仰齋

### 豐城詩會得間延諸友茗談

薄治盧仝碗，聊充北海樽。引經慚季友，下榻藉陳蕃。雨霽春風暖，情融夙好敦。明朝埋



劍處，酌酒弔餘痕。

### 豐城劍池

藏身甘耐九泉寒，世外惟求得永安。豈料靈光難久掩，遽成環佩竟無端。乾坤朗朗翻成晦，江海悠悠尙自寬。一嘯翛然化龍去，惟餘盂水漾微瀾。

### 次韻酬水村

勝遊欣值永和春，豈必流觴踵事頻。相見稱名原舊友，應邀品茗即嘉賓。泉阿神物埋藏久，牛斗靈光髣髴真。最是簫聲騷韻裏，征軺恨不角生輪。

### 向閑

#### 和仰齋先生豐城詩會得間延諸友茗談之什

若得風生腋，何須酒在樽。天難畱劍氣，誰復做陳蕃？妙句深深啓，交情細細敦。千年傳石匣，猶待勒才痕。

### 和合塔

狀元樓畔布文區，季友陳蕃道未孤。橋拱東西駝歷史，人思和合起浮圖。登高始信城能縮，振臂眞教隼可呼。欲把狼毫安極頂，書天畫日蘸鄱湖。

### 豐城劍池

劍氣曾聞射斗牛，人間易逝是春秋。我來尙作千年想，事過何妨半日遊。書院端危盤晉石，男兒奔走失吳鉤。只今惟見湫如鏡，照罷紅顏照白頭。

任紛紛 女

登豐城和合塔

一柱出雲表，巍峨奪化工。影侵春水碧，檐掛夕陽紅。鵬翮三千里，襟懷八面風。登臨存古意，得與幾人同。

將赴江右豐城年會，步劍川韻

雨洗春如夢，煙嵐霽不收。蒼龍鳴劍匣，雅客下洪州。負手新裁句，飛觴共上樓。陶然醒未解，鷗渚任勾留。

竹韻清風

女，未詳

和仰老豐城詩會得間延諸友茗談

遙想風雲會，城春綠滿樽。料難攀驥尾，空許謝陳蕃。一夕熒屏語，數年教益敦。此情刪不去，點點印心痕。

老石

江西九江

讀豐城筆會唱和詩步仰老詩原玉

讀罷高山句，清香入玉樽。暢懷容碧海，掬水洗青蕃。韻正儒風雅，言精道義敦。新聲催夢醒，一抹遠山痕。

## 江湖小李

遊豐城劍池，旁有劍匣亭，土人云舊曾存半邊石匣，今亦不見

一自啓重封，匣中不復吼。際會化雙蛟，時光或廝守。徒留潭水碧，空見白雲走。石匣復土中，青鋒在誰手？

### 登豐城和合塔歌

贛江流萬古，北注鄱之陽。千里騰沃野，自古魚米鄉。其中膏膩最，州富號天倉。建制千八載，歷朝稱上邦。南州臥高士，牛斗射龍光。青瓷續窑火，烏金出地藏。今聞牧宰賢，百業開新紀。十載敷德政，萬家樂福祉。盛世議城標，膺名和合美。砥柱界衡廬，巍巍天外矗。上置百塔型，周覽九州足。萬轉出重霄，上窮千里目。滕閣徒小巧，黃鵠惜玲瓏。雁塔何足道，岳樓嘆虛空。匡廬四百旋，青痕有無中。俯看劍城邑，城鄉開畫圖。道路割經緯，車馬紛蟻蛛。大野隨節候，四時迥然殊。或鋪黃金緞，或著碧羅襦。白鷺翔桴楫，長虹繫腰腹。舉手拂青冥，天風裂衣服。忽而失白日，重雲翻墨轂。上下異寒暑，六合晦鐵屋。久矣生曙光，龍蛇隨幻滅。萬年非太久，百年祇一瞥。金烏啼扶桑，天地復澄澈。歸來作長歌，還寄豐城守。聖人無常心，百姓爲芻狗。何日得重遊，但邀二三友。置酒塔之巔，神州供袖手。

李金輝

江西  
豐城

劍池

寶劍衝天去，空餘亙古池。悠悠千斗夢，裊裊繫余思。月映滄波遠，雲開紫氣彌。千秋精魄在，直待化神奇。

青竹

女，湖  
北宜昌

次韻仰老

豐城新舊雨，遙想酒盈樽。琢玉誠眞善，詢詞愧便蕃。光陰雖是客，世事總多敦。坐忘觀花落，茶香淡墨痕。

抱月齋

登豐城和合塔

浮屠上與白雲齊，絕頂高呼四望低。絲雨萬條春漠漠，青山一綫草萋萋。甘棠欲說觚稜後，劍氣猶分牛斗西。共愛豐湖風日好，嬌鶯自在柳邊啼。

豐城年會歸來和仰老韻

經年逢舊雨，夜宴引金樽。殘月潮聲急，疏蟲花影蕃。敲詩憐賈島，行酒愧王敦。揮手榮塘路，輕車逐草痕。

題豐城故邑縣衙劍池

已信湖山美，還來故邑行。欣看花在目，誰道劍無情？紫氣張公識，衙門雷令清。猶憐埋掘處，千載水波明。

將赴豐城年會寄江右諸君，步劍川迎客詩原韻

淑色經冬至，風光倦眼收。信鴻來北國，騷客問南州。劍氣宵衝斗，人聲日滿樓。應知花月夜，陳榻爲予留。

東華人氏

次韻劍川兄江右詩社豐城年會迎客詩

百花齊努力，春色不勝收。上巳流觴處，高朋聚此州。水清堪理鬢，雲淡好登樓。我欲依前醉，詩心任去留。

庚寅上巳次豐城奉和仰師邀茗詩

劍氣初縈繫，豪情已滿樽。流觴何處好，豐水此時蕃。夜靜簫聲緩，官閑詩教敦。明朝揮手去，拙筆敢畱痕。

劍池

昔時埋劍處，春水泛微瀾。池柳千年綠，征魂萬古安。石碑多刻意，遊子各言歡。忘卻興亡事，何愁路不寬。

客尋埋劍處，誰復見龍泉。書院何時廢，古衙早已遷。無心悲石匣，有意樂山川。人事冥難測，思之亦坦然。

登豐水湖塔樓疊前韻

湖意隨鷗靜，劍光共碧瀾。登高憑足力，賞景話邦安。欲作漁翁釣，待期君子歡。新城開夜色，籍我酒腸寬。

披雲

過劍池

千古沉劍處，飄蓬今復過。池痕凍楚木，白日壓山河。雄氣何堪覓，簫心恨未磨。暫欣盈甕酒，旖旎一長歌。

金水

京北

江右詩社相邀於庚寅三月初三豐城雅聚先賦此篇以寄

造化鍾靈地，龍光望未收。更因懷舊侶，奔走到雄州。脩禊宜三月，稱觴恰一樓。詩邊多雅事，約與白雲留。

蒙仰翁招與諸詩友茗坐並以新茶見賜賦此奉謝

物華增逸興，清茗敵豪樽。話共煙雲暖，興隨花草蕃。詩心纔欲動，簫管已相敦。更把如醇意，攜歸瀟夢痕。

## 草嘯

### 待赴豐城奉和劍川兄迎客

霽雨層流碧，青眸在在收。放春迴古渡，捉夢畫新州。活水芸生地，斯文好倚樓。以詩爲信使，明日浣花留。

### 和仰翁豐城筆會茶敘詩

茗雪談風雅，三春友一樽。浣花收暖雨，化蝶過青蕃。玉管簫吟好，文心燭淚敦。從茲揮手去，別夢有詩痕。

### 題劍池

止水微瀾碧一泓，向來傳說得天工。誰家匣失埋泉壤，後世龍吟待晉翁。射眼精芒衝斗夜，裁雲罡氣割川虹。神兵只合歸僊籙，豈與人間物混同。

### 題和合塔

聳塔爲峰水外孤，高瞻遙可認鄱湖。雲生足底來禽鳥，地匝棋盤接楚吳。小摘片霞吟絕景，好從人境賞宏圖。天情若此長和合，衆亦揚眉鼓與呼。

## 柳夢無痕

女，江蘇南京

### 應邀赴豐城盛會學習步劍川韻爲謝

劍邑盟鷗鷺，雲閑雨霧收。龍光接玄武，紫氣溢雄州。感悟傑靈地，期登碧玉樓。星馳蛟

鳳起，騷興更長留。

奉和仰翁

古邑群英會，風高情滿樽。才無慕耆宿，篋滿謝陳蕃。倚劍湖山秀，擎天塔影敦。照池猶澈碧，千載有餘痕。

豐城和合塔

劍氣流光孕炳靈，撩開豐水枕山形。鈴搖八面襟吳楚，一柱堪擎牛斗星。

題豐城劍池

劍氣紛傳何處尋，碧波冷浸斗牛深。神龍已自離塵去，獨許幽池說古今。

城溪先生

江西  
豐城

步韻仰老

心宇何其闊，乾坤化一樽。豐城彰劍利，大作啓詩蕃。思納千秋豁，情昭方寸敦。空靈由自馭，喜見雪無痕。

劍池

一徑榮塘去，共道不虛行。誰輕池內物？余悟劍中情。未失龍光燦，方迎赤縣清。雄風千古在，孕我寸衷明。



## 胖大海

和合塔

我向星河望，雲霄一塔深。斗牛侵眼界，鷗鷺立江潯。我入微雲裏，微雲入我襟。塔高窮四野，倚仗獨登臨。

劍池

瘞劍轅門下，深埋似有因。言傳盈紫氣，我見蕩青蘋。皓月沉淵底，清風入舊鄰。吹開三尺水，引客起簫音。

## 紅葉

豐城年會愧不能赴悵然有寄與會諸君步韻劍川兄原玉

孰忍羈情涌，經年付未收。三春萌劍邑，千里隔幽州。晴翠宜呼盞，浮雲共倚樓。斯文懸一脈，迢遞約詩畱。

## 紅土川原

劍池

首三

劍池縹碧悸心胸，石匣泥沙相晦封。動物園中看虎去，世間何處見神龍？世間何處見神龍？爍熠眞金人不同。尺水難流誰掘劍，會須風化氣如虹。會須風化氣如虹，煉獄年年冤恨壅。另有幽光磨白晝，劍池縹碧悸心胸。

題豐城和合塔

雒陽白馬歸，東土傳佛法。平地起浮圖，金裝塑菩薩。勸世結善緣，苦航度人筏。既能濟水火，又可旺科甲。南州有征君，偶下使君榻。干將並莫邪，兩兩出石匣。王郎醞腹稿，滕閣才勃發。物華天寶稱，人傑地靈恰。是處斗牛墟，縣建一千八。明朝萬曆年，曾造文明塔。劍邑夸翹楚，民國惜坍塌。於今臻化境，新址厝古刹。豐富雙龍聚，獻瑞山排闥。明七暗六層，百米青冥插。欄杆白如玉，洪窑蓮粉頰。華夏多匠意，模型悉駐紮。萬物不同，調羹始融洽。天人合爲一，摸象忙抓瞎。誰予血與火，評說罪與罰。昆侖源泉流，百川終海納。登臨送羽翼，疇野接喙。難得詩句好，嘔啞且嘲哂。願傾西江水，雲貴弭旱魃。玄黃何所依，陸離帶長鋏。

詠史用豐城年會仰齋詩韻

瓠實培無用，江湖浮大樽。徐孺嘆獨木，一屋讓陳蕃。曹馬門庭換，斗牛波粒敦。張公能博物，神器晦鱗痕。《莊子·逍遙遊》：『有五石之瓠，何不慮以爲大樽而浮乎江湖』。光有波粒二象性。

桃盆栽

湖南，  
居廣州

晦窗邀約豐城雅集時余正遊恩施聞招擬赴先有是寄用劍川迎客詩韻

賺得春光足，蹄痕處處留。追風馳劍邑，頂雨出巴州。闕向閑中補，官從局外收。明知潭影近，兀自一登樓。

菜人

登豐城和合塔，用梅雲師韻

勝地伴詩朋，來遊捨所乘。梯陞千百級，塔上十三層。指處山何淡？望中江自澄。晴光移屋瓦，春水滿田塍。風物此全閱，欄杆誰久憑？畱連吾不忍，遽返布蘭登。

遊劍池池在龍光書院

秦王埋劍處，朱子講書堂。鋪地贖紅石，干天失紫光。榮塘中學內，住宅小區旁。遺迹雙雙在，遊時一一望。人行池左右，魚戲水中央。神物今何去，此來思把將。

殊熠在天

次韻劍川江右詩社年會迎客詩

牛斗倩誰望？龍光原未收。飛箋招俊侶，聯袂訪雄州。肴酒列千席，風花吹滿樓。一城名勝富，詩句足題留。

豐城劍池

光休認牛斗，劍不待英雄。松影映波處，依稀空似龍。

高涼

廣東高州  
居北京

奉和仰老豐城詩會邀茗詩

漫把旗三盞，來消酒一樽。朋情傾北海，風骨似陳蕃。夜靜花香溢，辭淳語氣敦。從茲閑

坐憶，心上有餘痕。

### 梅雲

#### 庚寅上巳豐城筆會次劍川韻

翼軫星光接，龍泉匣底收。臨風懷季友，斂衽識荊州。波坼天開鑿，觴飛月滿樓。不辭拚

醉飲，槁項片紅留。

王季友，唐代詩人，號雲峰居士，洪州人。隱于豐城株山龍澤智度寺，有《龍澤遺稿》。陳無已詩云：「短髮愁催白，衰顏酒借紅。」

#### 次韻和仰翁

自擁臯比坐，低昂北斗樽。絃歌雲外急，草樹雨中蕃。論誼師兼友，爲詩厚且敦。藹然滋

萬類，風過不留痕。傅休奕《雜詩》：「良時無停景，北斗忽低昂。」

#### 豐城劍池懷古

幽光寂寂可中庭，挈侶來招舊日靈。千載龍嘘松竹氣，一池波漾斗牛星。舞雩風向襟間繞，變雅聲從物外聽。學劍無成聊鼓瑟，觴流曲水酒飄馨。

#### 遊劍邑和合塔

年來怯近最高層，一塔摩雲愧未凌。桃汛方生花盡落，春心漸老齒猶增。空教酒後添詩膽，欲傍龕前點佛燈。悟得天人和合意，石階枯坐淡于僧。

惜夢緣

女，江西南昌

登豐城和合塔

百尺和合塔，憑欄誰自歛。乘風望極處，春色動江暉。

將赴豐城年會依劍川韻

攜得芳菲滿，來從劍邑遊。花雲迎遠客，煙水放輕舟。亭畔聊容與，樽前好唱酬。明朝文  
讌散，風采自長留。

奉和仰老飲茶詩

記赴豐城會，春光碧滿樽。流雲自泱泱，佳木亦滋蕃。契闊思彌切，晤言情愈敦。清芬畱  
夜永，猶似夢中痕。

雲海

登豐城和合塔

三首

新塔初登霽色開，爲誰心鏡拂塵埃？高風欲醒孤樽醉，長嘯空寒萬古臺。虎尾春冰還沸血，  
龍光秋氣不聞雷。依稀牛斗北窗耿，疑是張華王勃來。  
息卻機心寶鏡開，一宵雨霽淨無埃。樓林飲露趨層塔，雲氣披風出峻臺。萬丈龍光曾射斗，  
滿天鯨浪忽聞雷。扶頭擊缺延津叫，正待澄清君再來。  
謹護禪心眼闔開，三千世界本塵埃。懶吟詩賦疏滕閣，肯慕榮華晒鹿臺。漫道龍光能射斗，  
且憑獅吼作驚雷。妙參勘破衆生相，結底如來如我來。

豐城咏懷

劍邑劍江春色深，劍池劍匣戲鱗禽。延津龍化雲騰浪，曲水觴流古到今。層塔披風思錢閣，峨冠引嘯壯吟襟。附驥諸君共飛舉，推杯無夢有禪心。

和仰翁

龍光曾射斗，就教且移樽。劍邑鶯花鬧，蘭亭草木蕃。推敲邀賈友，追逐固韓敦。洪水橫流欲，竟遺朱子痕。

雲樓月

女，山  
西臨汾

步韻劍川迎客詩

深矣春窗鎖，心情一夢收。僂槎泛星夜，牛斗下南州。隱約他年客，重迴千古樓。好風成想像，莊蝶不勾留。

步韻仰老

高筵動星斗，劍氣入金樽。助興春惟好，吹香花自蕃。洞蕭分細細，睢竹聚敦敦。萬里清風意，隨雲擷一痕。

雲生海樓

江蘇  
江陰

赴豐城江右詩社年會，步迎客詩韻

劍邑心儀久，龍光氣未收。竹林傳勝會，蘭棹向雄州。談塵雲中客，銜杯月下樓。江山春

意滿，詞客任淹留。

### 紫藤 女

#### 年會前致豐城

飛鴿鳴春訊，誼函碧頁收。風馨妍紫陌，虹遠接南州。富邑珍之寶，文光慕此樓。時閑心適意，詩采幾行留。

#### 奉和仰老豐城詩會邀茗詩

豐水三千杓，一瓢誼滿樽。洞簫聞雅客，城腑感陳蕃。亭閣清風起，詩情話語敦。推窗揮手處，眸送遠山痕。

#### 和合塔

豐城和合越高樓，金頂吟風豁遠眸。山勢如龍奔廣宇，川明似帶繫輕舟。胸懷千八玄機妙，雲采十三太極幽。悅耳鈴聲文殿集，德才是舉勝謀籌。

#### 劍池

靈光射斗越千年，石匣深懷醒世篇。物燦於人非受益，池清之境好明賢。幾回身影中庭度，一握龍紋機柄懸。書院今時來聽語，雷聲隱處惠心田。

## 楚成

### 題豐城劍池

江縈劍氣枕邊流，直認豐城是故丘。一路鶯聲唬兩岸，半池龍影照千秋。雷音隱隱身將累，匣語沉沉國爲謀。彈鋏悲歌猶響遏，欲平滄海亂雲浮。

## 煙兒

女，河北石家莊

### 接友人書言江右豐城年會又一騷壇勝事裁書寄懷

看取群英會，風流久未收。龍光出遙夜，藻火燦雄州。百里春江路，千年醉月樓。從茲傳勝事，墨飽載書畱。

## 鄱湖漁歌

### 次劍川《中國詩詞名家豐城筆會暨江右詩社年會迎客詩》

東君臨劍邑，百艷莫能收。曲岸觀桃水，瑤章燦九州。淺斟金穀酒，好上杏花樓。千載書香地，青青合眷畱。

### 和合塔

重登和合塔，又作楚天遊。素練橫江遠，飛禽極浦悠。雙龍臥豐水，雋彥燦南州。春望豁青眼，一消千古愁。



題豐城劍池

潛龍猶自在，劍氣不能移。掘地存高古，留英化碧池。簫音聽裊繞，石篆起凝思。野陌春風裏，塵封一疊詩。

葉子

女，河北  
石家莊

得仰老席間茗談詩歸來依韻奉和

大雅飛揚處，何須吸海樽。風和茗煙裊，珠潤蕙蘭蕃。炳煥因情重，超然自語敦。箇中真趣在，歸夢薦春痕。

賦和合塔

去天八百里，觸手覺雲低。橫絕冠當世，風騷壓古堤。空濛春雨落，徙倚篆煙題。未了情難繫，悠悠長別兮。

訪豐城劍池聊作

竹松盎漾迓蒼庭，招我前來尋舊靈。一鏡波開騰劍氣，九霄雲涌舉鵬翎。士因歷落形骸放，筆自奇瑰文質馨。看罷古今惟喟嘆，彈歌只合對孤星。

劇飲千杯

庚寅上巳將赴江右詩社豐城年會次劍川兄韻

劍氣千年久，龍光全未收。春風迷上苑，墨客下洪州。解道能懸榻，不應賦登樓。浮雲身

似寄，勝友慰淹留。

江右豐城年會將屆，疊前韻呈與會諸君子

雨外斜陽麗，風煙一望收。關津迷客子，清夢繞神州。障眼唯因酒，耽心莫倚樓。斯文渾未絕，高詠共題留。

過劍池

劍窟出城陬，遺世閱風雨。此來弔靈蹤，蒼然思越古。玉階潭水綠，得傍虬松伍。千年稟異氣，斯文供樽俎。何須雷令掘，神兵自難侮。熠熠生光華，龍吟時一吐。此意足可申，不應悲梁甫。歸來且傳杯，醇醪洗肺腑。

劍川

中國詩詞名家豐城筆會暨江右詩社年會迎客詩

紫陌花如海，東風浩不收。簪纓盈劍水，冠蓋滿南州。來踐千年約，同登百尺樓。龍光應有待，詩酒為淹留。

劍塵

江右豐城年會先寄詩社諸君次劍川兄韻

乾坤佳氣滿，聊此一樽收。良玉懷高士，靈光應富州。龍吟終古水，衣振最高樓。勝事須吾輩，簪花曷少留。

年會諸君訪劍池，余羈俗不與，數年前嘗有詩，聊疊舊韻應課  
英物此中出，翻憐作梗萍。合當扶命世，慎勿附飛精。三尺聊存水，千年空復情。塵氛如  
可靖，未必重神兵。

### 奉和仰老飲茶

得親蒼壑味，絕勝酌金樽。沉值春風潤，長滋佳卉蕃。襟懷契古意，人世重純敦。不必君  
平卜，斗間自有痕。

## 潯陽倦客

### 題豐城和合塔

翹角飛簷影映湖，玲瓏八面聳天孤。尋常物過陶鈞手，便杵平蕪壯畫圖。

### 劍池

牛斗龍光燦，時清物什奇。風和客談劍，夜靜雨催詩。總把千年事，畱於後世疑。縱非真  
面目，亦足慰相思。

### 奉和仰齋夫子豐城詩會得間延諸友茗談

既如經歲約，不力也傾樽。劍邑才人滿，武城弦管蕃。時平思教化，主聖重和敦。四角輪  
無覓，歸與拭酒痕。

◇ 江右風雅 ◇

### 臨川沐風

江西臨川  
居廣州

#### 將赴江右詩會步劍川韻

劍邑千年古，何曾縵采收。祇今傳勝事，雅日聚雄州。舉白拼一醉，簪花共滿樓。高吟多逸興，足可慰淹留。

#### 奉和仰老邀茗詩

劍邑竹林夜，清談茗一樽。揮弦聽中散，聯榻聚陳蕃。滿室馨香溢，三春花氣敦。於茲何忍去，風骨有餘痕。

#### 登和合塔應課

招邀集勝侶，趁興此登臨。飛鳥沒蒼昊，落霞明遠岑。雄州一春麗，劍氣曠年深。竚立無限意，披襟鐘磬音。

### 瀚海胡楊

江西景  
德鎮

#### 踏莎行

豐城劍池

日暖庭柯，草繁煙緒。憑欄怕聽幽禽語。靈光射斗已難尋，月池空照雲來去。夜帳挑燈，歌筵起舞。寒芒幾度驚風雨。千年舊事逐塵氛，雙龍駕霧知何處？

# 一得愚生

陳忠平，字半愚，一九六五年生，江西都昌人

## 綺萼

綺萼紛紛墮，飄零一霎煙。魂遊將底處，序轉正嘉年。頽坐殘枝下，冥搜大夢邊。邇來風雨疾，舜日合相憐。

## 答苦廬兄辱書拙作山妻二首見寄

腕底風雲走，龍蛇矯欲狂。將來懸白壁，彌久溢玄香。好映蘭燈淨，堪追綺夢長。心絃時一觸，倍使惜糟糠。

## 秋感

天存恤人意，擬為去消炎。未待饕蟲滅，已招秋扇嫌。亂雲響山表，殘日奮潮尖。渾怕乾坤覆，清風價不廉。

## 暮過汎宅

魚鷹分浪赤，煙外老秋陽。犬吠漁燈暗，露滋蟲語涼。蕉心風更翦，荻影月偏霜。莫向罟師問，何由不返鄉。

秋湖遠眺因念重九之約寄懷江春兄滬上

湖山終破陰。日暈尚泔泔。野菊搖初蕊，浮雲動遠心。蕭騷蘆岸白，溟漠水煙深。若憐之子意，涼颿舉越禽。

秋興

秋陽頽不墮，兀兀照寒新。野唳哀鴻疾，城過社鼠頻。蒼林猶弄豔，霜葉欲迷人。十月初元動，如何浪說春。

九日

二首

豈爲拏雲便，絕憐高處寒。科頭宜兀立，落帽且旁觀。危石鶴同嘯，幽芬菊自餐。臨風襟一檢，日外更重巒。莫嫌山不峻，縱目及遙天。秋影如人瘦，寒聲讓鴈先。波浮蒼野闊，日落夕雲妍。一塔無端起，風華欲迴然。

庚寅仲冬遊小磯山

三首

久聞西郭外，水國有靈山。長浪魚相激，高風鶴與還。振衣蒼磴上，抗志白雲間。僊跡或難問，潛盤一日閑。聞約雞鳴門啟早，企竚認車塵。鮮橘佐香茗，清泉煮活鱗。不勝盃酒醉，殊感古風淳。幾度殷

勤囑，來年趁好春。答農友高君置筵依齒分得十一真

奮足沼泥中，丘山相鼓舞。甫驚宿鴈洲，曩折過帆處。祇道立身難，曷知逃世苦。漁煙接市廛，觸目皆王土。登磯

### 寄遠

雲沉鴈聲凍，霜氣漫孤臺。彼路長伊阻，此愁遙自來。蕭騷還渺漠，跂立復徘徊。嗟有我知己，鬱懷深不開。

### 雪夜

長街何寂寥，亂影自低簾。凜凜起清氛，眞能舒積鬱。樹高枝更寒，簷矮鳥宜宿。天豈識朱門，一時俱白屋。

### 雪後上班道中

積雪幾盈尺，乾坤一統寒。朱輪飛濺穢，綵幟凍黏竿。瑟縮役人蹟，嬉娛童子歡。道中無殍骨，宜作瑞徵看。

### 聞皎月將調蕪春文化局詩以勉之

臘殘春不遠，好訊忽焉來。汝願終能遂，吾懷亦稍開。從今止旁鶩，藉此展長才。想見盈盈月，清輝滿硯臺。

# 天一谷

易簡，一九七八  
年生，萍鄉人

## 入東橋步行過茶紅市詩

首 二

樹低白鷺社，路暗黃家坪。逃夭沙宿鷺，不語樵歸氓。野水通草市，微雨入笊筩。青山藏禹廟，石碓舂邊城。車行蒼茫間，犬吠兩三聲。隨人聽歌笑，無杖亦覺輕。道遇桃椎屨，不賣益陽城。我尚一官冷，縱狂效父兄。未期維摩詰，今笑似邵平。騎曹仍不辨，誰令得清名。

## 樗溪民調

首 二

三日瀟瀟雨，樗溪已深寒。未曙有人聲，溪父早爭攤。戴笠負笊筩，持籠賣雉獮。人家或乞火，市語漸鳴灘。日午煙不去，婉轉入雲巒。橋壞半石埋，路僻祠仍完。下阪聞鷄犬，坊屋煙水殘。世事如蓬寄，是處可得安。

樗溪吳子家，路外一灘斜。略約橫豁鈔，老木臥槎牙。古祠花初發，斷岸篲圍笆。一室皆竹護，門有長者車。主人唯恭謹，饗客出藤茶。本是俗世子，暫作雲生涯。

## 清曉驅車過五峰入虎山市

叢祠花發行礙目，巖紅半濕入峰峨。野老穿林荷笠出，竹鷄越界將雌過。松根支鼎煮蕪白，楊梅加鹽滿一籩。菰蒲生涯羨不得，隨分身世任跌蹉。不應有恨仄路徑，逢人且唱漁父歌。



### 樗溪民調口占

斷橋遍長莓苔，禹廟新梅半開。五百年前過此，一川煙雨重來。

### 中秋口占

山寺亭中燈影垂，藤蘿分月夜離披。有時花氣襲人冷，未免愁深久不移。

### 東橋觀桃口占

首 三

吏事已堪雲淡薄，睡情得似醉蒙懵。平生志略餘多少，三月官溪一塢紅。  
十里茶紅漲碧晴，春光一半佔鶯鳴。遊人不識東橋俗，爭看櫻芯賣滿城。  
白塔桃津雨墊巾。山翁逢著似知人。滿街聽唱采茶曲，記過官溪第幾春。

官溪、東橋、茶紅，皆在湘東境內。櫻芯，東橋、廣寒，俗愛櫻芯羹，味清苦而極涼冷，人多不能受，獨此兩地人夏秋以爲常肴。

### 過虎山市

行穿雲水渡，又入晚秋天。炊菱三叉市，賣粟豐穰年。寒林下倦禽，孤嶠上野煙。黃蘆纔一灣，夕陽滿前川。溪叟不歸去，群山已晦然。

### 廿二日大雨與諸子登山觀溪漲兼寄文漢

北社南莊攬葛行，渾忘身世屬官營。一丘深翠皆雲護，十里孱顏獨澗鳴。無意主張山俯仰，

隨天擺布日陰晴。人間我是癡漁父，免俗無能學濯纓。

樗溪野趣十一

小市孤村路卷迴，喚人渡口野梅開。披蓑漁父白雲至，散髮儒生紫陌來。已避人間五鼎禍，寧傷度外一爨材。前身合是蘇夫子，幸事餘生半草萊。

中秋

誰解嬋娟關歲殘。樵村漁市獨憑欄。知狂是病從經謗，悟命由天自得官。桓帳談兵人可笑，荆門賣劍事何難。天朝未歇海棠夢，秋入江南煙渚寒。

重過瀏公廟口

南陽許下躬耕約，重到王孫仍客衣。夏禹祠前聽笛過，瀏公浦口賣漁歸。似有灘聲來埭底，若無飛絮入衣圍。詩囊閱徧江南路，此處溪山總忘機。

風入松

樗溪山人過水洋

官橋石路野人家，斷岸筱圍笆。輕車慣識樗溪路，平章盡，古埭寒鴉。酒舍多如漁舍，雪花白似蘆花。山人道路臥叉丫，無夢到京華。有鈎無餌閑漁父，祇收些，水月山葩。

把定琅玕一笑，圖謀雲水生涯。樗溪，廣寒寨境內。

## 今是昨非齋

黃去非，一九六九年生，湖南岳陽人

### 庫布其沙漠感懷

我來庫布其，極目黃沙徧。云是觀光區，驕人夸上選。東道利其金，遊客忘其倦。沙車肆往來，索道懸長綫。攘攘復熙熙，旅遊開盛宴。遊客本無辜，東道實堪譴。治沙不容遲，合與黃沙戰。豈能重旅遊，祇顧眼前便。賺盡子孫錢，風光極昭絢。此理誰能明，此情誰能見？臨沙發長歌，嗚呼淚如霰！

### 車過陰山

詩家夫子王江寧，詩詠陰山夸長征。我來萬里尋遺迹，一車飛度陰山脊。山南山北皆平川，此山巍峨聳危巔。山勢綿延若羈絆，當時賴以限胡漢。胡漢而今彙一家，邊庭靜寂無喧嘩。世易時移人物改，幾度桑田變成海。風吹草低見牛羊，昔人佳句豈能忘。牛羊漸少風依舊，水清草茂今誰覩？草枯水斷沙茫茫，目盡天邊黃復黃。當日葱蘢今枯槁，知是人工是天造？何物足慰心頭溫？偶有綠樹立莽原。

### 春遊湖濱雙栖山莊

白漲回塘綠滿山，濛濛細雨散輕煙。春光最愛農家好，油菜花開正粲然。

過昭君墓口占

漢庭深鎖走胡庭，馬上琵琶不忍聽。誰信種瓜能得豆，居然青史久留名。

過希拉穆仁大草原

敕勒歌傳遂古初，天蒼野闊轉平蕪。我來但憶昌黎句，草色遙看近卻無。

末句出韓愈《早春呈水部張十八員外》。

詠人防工程

古來未雨解綢繆，今日人防亦善謀。東海波翻眞警鐸，列強環伺未曾休。

祝賀葛大德先生詩文集付梓

久仰如椽筆，先生實我師。識荆將廿載，談笑每移時。才命妨人久，文章壽世遲。者番龍破壁，晚景自堪怡。

華容東山道懷古

聞說東山道，關公戰馬屯。放曹全盛德，扶漢感殊恩。一代英雄杳，千秋信義存。至今思往事，功過那須論。

省垣閱卷喜逢周葵葵同學

麓山握別廿經秋，每對南雲憶共遊。鬢字辛勤常問字，江天寥闊幾登樓。杜陵詩句吟懷涌，

人海參商去思悠。今日相逢應一笑，青絲依舊滿君頭。余與君相逢，每回必齊誦老杜詩《贈衛八處士》。

### 酬象賢兄即用元韻

步兵白眼偶然青，記得飛車下洞庭。樓外平湖容我望，席間讜論共君聽。百年鄉夢連雙井，千里人情寄一翎。消夏養怡亦清福，鬢邊莫遣髮星星。兄修水人，余先人亦佔籍修水，故有雙井之說。

### 淑傑先生自大連遠惠大著爲賦長律申謝

多謝郵人惠好音，芸編頒下感知心。鄉邦文獻憑搜討，翰苑瑤華賴探尋。茹古涵今君自得，噴珠吐玉我深欽。洞庭水接連灣水，何日瞻韓酒共斟？孫海鵬，字淑傑，號翼廬，別署芝广（即庵，非慵譚），多收地方文獻。

煌煌巨著，至堪欽佩。

### 竹枝詞

汨羅江中秋水長，連雲山下秋花香。記得那人秋波媚，蒹葭一誦斷儂腸。

### 水擊三千

梅崗，一九七一年  
生，江西萍鄉人

#### 石源夜宴

流霞猶未逝，月已上東巔。石源殊隔世，燈火邈人間。當庭治夜宴，薯酒佐蔬鮮。客聚江湖遠，情熱地不偏。冷風滋花氣，清流作管弦。春寒堪抵酒，紅燭淺映顏。把杯邀素月，素月良可憐。且共今宵好，俱向醉裏眠。

#### 己丑春夜圍爐夜話

不抵春寒冽，酒闌宜抱爐。空山泉語細，茶暖竹煙酥。漫撥灰勻火，閑聽鬼畫符。長安偶相觸，久久片言無。

#### 階前偶占

靄散氣象明，日暖冷風蕩。安然階前坐，邈邈入虛想。熙熙長街上，人車皆攘攘。我亦塵中客，春光何獨賞？

#### 巨夜

巨夜沉如水，春風蕩不開。花光空渺漫，樓宇自崔嵬。獨飲惜無月，相思亂入杯。明燈何處有？銷此萬重埃。

#### 偶向

偶向街邊過，春風正落花。飄飄無定所，故故逐衣斜。我亦經行客，身從天地賒。相逢不堪寄，迴望白雲奢。

## 西江釣徒

程雪春，一九六三  
年生，江西樂平人

### 無題

首 四

六曲闌干百尺樓，蕭蕭風木故城秋。  
重來萬事堪迴首？不盡煙雲一望收。  
湘簾半捲眇星眸，生小嬋娟二八儔。  
婉轉樓頭吹落月，秋江花謝水東流。  
慕他少艾自風流，三十年間悔遠遊。  
憐取當時遺笑柄，爲卿一步一迴頭。  
爲卿一步一迴頭，笑擷花枝當酒籌。  
叵耐電傳催遠別，杜康何以解煩憂。

### 錢塘江側記

高城子立懶觀潮，吳酒三杯壓寂寥。  
浪卷驚濤千百載，人間污穢不曾消。

### 杭城上元節

花港魚同士女遊，吳山燈影動星眸。  
赫然一箇元宵月，不許西湖下釣鉤。

### 西子湖

豈止風流隨處尋，銷魂勝地更銷金。  
環湖山勢如龍椅，南渡官家早陸沉。

### 歸隱說

富陽春水碧潺潺，日日帆檣去復還。  
亘古利名蠅逐血，四圍山色釣磯閑。

陪西京友人一家遊西天目山

網傳魚雁信，長幼倍相親。林表杉千尺，溪山月半輪。風消三伏暑，夜透一簾春。客遠長安近，關河豈隔人。

過樂清贈樂成居士

東甌諧雅約，俗慮暫相忘。子晉吹簫地，文君得道鄉。平原畱十日，美酒奉千觴。不計歸期近，流連樂未央。

別杭城

牀頭金散杖頭貧，豈合湖山作比鄰。臥雪眠雲追曠達，浮家泛宅羨玄真。矜嚴處世門羅雀，孤冷宜花月近人。自去自來天際鶴，登程莫唱聚賢賓。

無題

城樓輪奐暮雲齊，王謝無梁積燕泥。北國沙塵南國雨，狼群兔鹿鶴群鷄。閑懷左柳兼胡柳，懶踏蘇堤與白堤。苦笑招人青眼眷，枯桐不是鳳凰棲。

過永嘉

路出東甌薄采芹，蕭然枉說馬空群。簪花憐彼徐娘老，搏虎嘆余馮婦勤。舊夢風徊吹皂莢，秋山箕坐對潭雲。愁圍海客孤城閉，伐鼓三通遣酒軍。



無題

碧漢紅牆隔路遙，愁生春草緩吹簫。山橫西曲邀明月，花逐東流過野橋。桃葉難迎桃葉渡，浙江怯對浙江潮。漠然風露中宵客，雲捲雲舒任漲消。

牙疼

吟詩漱石感秋桐，風火牙關鳴鼓攻。貝齒病如謀反賊，面龐腫似富家翁。逞強一笑驚童稚，率性三呼嚇鬼雄。八戒尊容無口祿，餐餐食粥不嫌窮。

次韻hbsc 題曇園玉照

江鳥原非雪裏鴻，桑間濮上醉春風。妖姬環座休讎富，楓葉題詩莫怨窮。有夢脫身煙水外，無心入世畫樓中。他年若遇范成大，兩曲新詞換小紅。

搗練子

朱戶掩，綠楊遮，荇水荷風噪暮蛙。漸老江湖如啖蔗，舊家子弟在天涯。

相思引

走馬營生又一年，紙鳶隘路胃臨安。柯亭韻竹，品按惜鶯遷。唱晚漁樵休羨慕，朱弦錦瑟對紅顏。青山依舊，誰識曲中仙？

攤破浣溪沙

風解羅衫人倚樓，潮生海嶼月當頭。杯影流霞秋夜靜，漾輕愁。

憔悴青絲縈夢寐，飄

零紅粉憶他州。契闊情存東浙路，念悠悠。

阮郎歸

鷺歸林杪雁江湖，青山銜赤烏。煙波盡處寂如初，暑風熏客廬。

香篆裊，錦屏舒。吹

簫人在吳。燈街十里對傾壺，竹窗枝葉叶疏。

臨江仙

秋水雲邊孤鶴杳，蘆花淡月長亭。誰家玉笛暗飛聲，扁舟橫野渡，蕪館漏青燈。

夜雨

窗敲鐘磬亂，蒲團趺坐如僧。蜉蝣朝暮寄餘生，心安天地闊，風定海潮平。

念奴嬌

夜謳遊園賦此寄興

笛吹仙樂，皂羅袍，放任一肩風露。寂寞閑梅依岸柳，梗泛情歸何處？錦瑟華年，煙波淡月，辜負春無數。牡丹亭畔，惹人清淚如注。莫道杜宇嗁紅，傷懷觸景，今古人同路。一嘆淒江腸寸斷，再嘆杭伶淒楚。戲演人生，劇談生旦，誰是乘槎侶？達人安命，綺懷無夢休怒。

仰齋

傅義，一九二三年生，  
江西豐城人，現居宜春

喜二孫女返國探親

涼風起天末，亟潤欲焦腸。跨海洪濤湧，凌雲勁翼昂。長能襲鄉俗，越座晉三觴。幼怯饒  
憨態，垂丫偎一旁。疲邛扶暫憩，甘旨遞分嘗。夜賞園林景，晝遊網絡場。依依憐契闊，  
娓娓話家常。祇覺臨歧急，那知欲語長。明秋再歸省，庭桂有奇芳。

小石源雅集分韻得別字

蓬壺誰提來，填此衡廬缺。猶帶海波痕，沖蕩蛟龍窟。或云水源山，洞闢不復閉。僊桃大  
著花，瞳瞳豔朝日。乃有小孟嘗，欣然來築室。輪奐八九間，石庭亦軒豁。薯酒儲滿壘，  
嫩蕨紛怒茁。可以餉嘉賓，四座霏玉屑。清茗瀹胃腸，絲雨膏沐髮。竹風徐徐生，細熨額  
間纈。酒酣氣益振，其可徒鋪啜！石鼎重烹句，雅韻隨分擷。各各抒懷抱，奚必論流別。  
予亦廁其間，怡怡忘耄耄。

春風曲

潮來潮去高復低，日昇日落朝旋暮。春風卻是最溫馨，教人不可等閒度。雲霧吹開萬里晴，  
送來鶯燕忒撩情。花香陣陣牽衣袂，殷殷邀約踏莎行。青春結伴乘風去，沿途檢閱花無數。  
就中桃李最芬芳，古今少艾長傾慕。誰云同是斷腸花，百媚千嬌徒自誇。得被春風一摩撫，  
不辭身遽委泥沙。杜宇為君悲不已，雲雀飛鳴仍自喜。愛做千山百鳥聲，聲聲無譽亦無毀。

姚黃魏紫花中王，從容行來自堂堂。芍藥親昵成豔侶，翻令春暮更輝煌。況有醪醑為後勁，  
榷紅蓮白聯翩進。秋冬梅菊又高超，年年松柏如春盛。昔時連袂踏春人，春來猶否憶前塵？  
但願春風長護惜，畱得樽前雙鑠身。韶華去我頭不掉，我目送之坦然笑。安享高齡堪自豪，  
斯心永葆如年少。

庚寅中秋夜雜句

首 四

陽臺陳瓜果，欲以獻嫦娥。不知竟不來，消息究如何？  
天幕悄然黑，真箇廣而寒。不知深宮裏，此時是悲歡？  
熒屏酣歌舞，可能勝霓裳。不知熒屏外，歌舞能幾場？  
天末有故人，嗜詩自成癖。不知吟哦外，何以永今夕？

胡耀邦故居

憶曾揮手變風雲，十億紅心盡向君。小院能包全宇宙，朝陽孰料是餘曛！

譚嗣同故居書房

書香繞室尚綿綿，今古中西一貫穿。造就奔騰滿腔血，卻憐無力可迴天。

登九江長江決口處新堤

誰使狂蛟舞爪牙，生靈巨萬倏傾家。而今縱是金湯固，莫忘曾為豆腐渣。

鳳凰溝采橘

攜囊捲袖入平林，隨手旋收百顆金。忽憶靈均嘉樹頌，誰珍耿耿一生心。

鄱陽湖文化展開幕日雜拾

首 四

瓷畫瓷都早享名，更聽瓷樂出清聲。始知今古奇聞外，美妙猶多未發明。瓷樂  
化漿為紙已千春，不意今猶見蔡倫。機械功堪超萬手。居然古法有傳人。古法造紙  
龍骨車成岸水輕，少年皆已不知名。今朝莫晒無何用，千載前驚大發明。舊農具  
蛋殼竟能刻成畫，驚人絕技實堪欽。論功差勝屠龍術，可惜良工苦用心。蛋殼畫

己丑初雪

天意紛難訴，橫行不守經。遂令姑射子，玉貌遽先零。重壓三秋菊，全淹九字星。壅門欲高臥，鴉噪未能寧。

次韻謝水村兄惠玉

懶向僊山苦乞靈，畏緣巖壑覓參苓。腰空北斗七星劍，手倦南華一卷經。寢饋無時惟適體，錐刀任澀不支硎。鞠躬虔向遺才錄，凜凜寒松照眼青。

小恙初愈漫步江干

微恙新痊試腿初，汀花沙鳥悉迎吾。不因小別生嗔怨，仍見真情問起居。芍藥遲開如有待，鷓鴣酣臥恰休漁。輕鬆吐納胸中氣，一振衣襟謝太虛。

米壽答謝諸詩友

呬唔農館一吳蒙，夢醒居然是老翁。書帖已忘嘗乞米，閉門堪笑祇雕蟲。幽香暖溢牙籤外，佳訊欣來玉鍵中。躍起疆隨群彥後，但求雙眼不朦朧。

南徐忽道不適翌日又報康復書此貽之

方疑秋柳不禁風，旋道江芙照舊紅。彊起自誇天有眼，虛驚可省我由衷。密雲散盡千山麗，靈鷲飛來一徑通。失笑無端憂忽喜，衰翁變作一狂童。

靜鳳詩家自書祝壽詞見貺賦此志謝

紅雲飛卸蜀濤箋，道是蟠桃慶米年。揮墨欽懸茂漪腕，散花羨比易安肩。肯將珠玉輝蓬葦，定許賡酬樂聖賢。塵俗惜無青鳥使，瑤池導駕到吟筵。

九江訪向閑兄旋蒙先施次韻為酬

門巷惟迎雅士來，通衢車逐任成雷。棋書並鬱芝蘭氣，壇坫徧羅騷雅才。九派江流詩緒動，一天雲彩筆花開。渾忘衰朽遙尋訪，清茗香中共展懷。

江右梅雲漁歌草嘯殊熠暨惜夢兜兜邀飲

趨詣章門翰墨林，西風空挾暮寒侵。雨連新舊俱無間，月有陰晴且共斟。文字千秋崇盛業，醇醪一盞慰私心。蕭蕭白髮羞稱老，巨鼎思扛力未任。

喜高涼見過梅雲作陪

吟旆遙臨倒屣迎。庭前鵲喜亦嚶鳴。客中奉客惟香茗，詩界談詩有慧睛。一苑百花多繚亂，千年四海幾澄清。旗亭在邇相呼去，肝膽還應酒共傾。

送秋

平生不作悲秋賦。草草杯盤且送秋。別有離腸容汝去，祇餘殘夢為吾留。蘆花瑟縮愁將甚，楓葉飄零恨豈休。菊酒新醅堪一醉，羲車安睡好寰遊。

次韻和紫簫偶憶詩

月影朦朧一夢中，詩情酒興益爭濃。方思翰墨流千載，已覺關山阻萬重。人境惜無青鳥使，僊源苦被白雲封。老來忽憶當年事，都付層霄幾杵鐘。

龐堅先生續滿城風雨近重陽成篇見示謹步原玉

滿城風雨近重陽，搔首遙觀倚曲廊。燦爛雲煙工詭譎，蒼茫陸海幻炎涼。搖搖欲墜雕梁腐，冉冉徐飄斷簡香。安得醍醐傾廣宇，不容腥穢浼人腸。

浣溪沙

首二

文采斑斕五色禽，撩人騁目欲褰襟。偏藏葉底轉清陰。媛心。閑來漫倚柱間琴。酬青竹

蛺蝶春迷達士夢，海棠風繫才

繡幄冰心不染塵，閑調鶯舌喚花魂。清音俊采訴晨昏。  
香夢暖迴蝴蝶影，曠懷淡化杜鵑春。悲歡一例付煙雲。次皎月韻

西江月

周李二君俱制琅笺祝米壽戲為此解

放眼閑吟江畔，掀髯半醉尊前。新涼細細入酣眠。多謝風姨顧盼。  
也算年華二八，卻非夢裏嬋娟。相邀且莫說悲歡。祇共流螢繾綣。

臨江僊

首二

江畔客船揮涕處，鐵橋馳逐長龍。荻花楓葉了無蹤。琵琶卻是、耳際韻琤琮。  
青衫應尚在，騷人遷客常逢。悲聲沉入浪聲中。驀然驚撼，輪軌輾寒風。  
縵綫投荒天混混，橫胸激起雄圖。三杯酒後氣尤粗。黃巢安在，應是識今吾。  
長江流不盡，人間血淚腥汗。成王敗寇竹難書。高樓勝昔，光景恐無殊。  
潯陽樓

八聲甘州

庚寅重九

把前山逕自作龍山，一樣事清遊。有楓屏紅暖，蘆亭蒼冷，亦可娛眸。破帽西風吹落，髮短不須羞。愛酒無誰送，婦己先謀。  
秀水書生老矣，對萸芳酒馥，率意吟謳。問東坡何在，寧復仰風流？忍輕拋、銅琶高響，學昵昵、兒女欲工愁？孤燈下、鏤肝雕腎，與己為讎？



向閑

盧象賢，一九六三年生，  
江西修水人，現居九江

悼父執鳳翔先生

當年賣炭雪皚皚，曾伴先君掬背來。炊黍蒸藜且爲樂，噓寒問暖已忘哀。感翁長有真誠誨，愧我仍爲散木材。老友西行猶未遠，等君談笑赴泉臺。

悼林斤瀾先生

雪山言語未曾忘，憶及當時字也香。雁蕩峰尖仍在眼，文壇酒友盡停觴。一兵到老難投筆，萬卷如今足斷腸。天妒美男人世久，早收魂魄到僊鄉。

詩友朱貴平趙承華來，瑞河兄以山谷『桃李春風一杯酒』句分韻，得春字

良友能生滿室春，尺魚斗酒長精神。江風送客還迎客，湖水愁人也動人。談及世情多苦笑，爭歸義理有純真。從來聚散非吾輩，一片詩心總比鄰。

題內十字繡紅玫瑰

飛針走綫漫縱橫，功未成時貌不驚。十字相交連你我，一花獨放注恩情。露凝紅艷香恆在，霜起黃龍水更清。豈羨梵高葵朵貴？吾家國色自傾城。

和朱貴平先生甘棠湖

恆睜醒眼看潯陽，慈母酬兒是淚光。臂挽城樓沿路起，腿連江水向天長。將臺一幟威都督，德政千年記大唐。生有寬心容事慣，並無愁緒付秋涼。

和黃友富先生仲秋感懷

一從樹杪盡朝東，葉臉猶人有倦容。衰退漫波歐及亞，和諧寄望美聯中。豈能對海吟蕭瑟，正可登高唱大風。莫道病軀拘小圃，此心終歲在長空。

網絡種菜遊戲

擴廠張城地盡侵，市民有夢網中尋。虛空此日饒生意，飽暖而今起盜心。一列友朋成菜譜，三更燈火笑儒林。生資匱乏住房貴，管仲難分鮑叔金。

謁陳家大屋

二〇〇九年十一月二十九日，冒雨抵修水縣桃里竹墩，拜謁陳寶箴家族故居陳家大屋

莫看區區泥路狹，曾經走出越沙駝。一山抱屋懷仁久，九畹連庭樹蕙多。邑重銀錢輕國寶，天收強項養平和。劫餘不語陳書櫃，識得人間日似梭。

答田立雲先生

自愛詩詞自結緣，童心不老總翩翩。兩支秃筆當三尺，百里修江仰八賢。深謝友人情意重，敢言寒舍貌才全。半生休問終何有，執手銀婚看月圓。

### 答玉門女史

雕龍鎮日未傳神，且喜年年樣出新。故紙宏篇長自樂，友人佳句倍相親。山高水遠詩千首，地老天荒月一輪。二十五年容易過，難求富貴但求真。

### 己丑除夕

書齋自構一重天，淡出公門隱市廛。談虎何妨容變喜，羨魚也不步臨淵。風雲驛外兒堅戍，鞭炮聲中我穩眠。照例今宵收欠賬，滿懷欣悅數詩篇。

### 四七初度和內

壯歲當曾羨祖鞭，雄心漫逐水波遷。慰懷親友長相守，快意詩詞久結緣。桌上悠閑挑白麵，網中兀自討青磚。如今百事皆堪樂，思及嚴慈獨泫然。

### 春日

首 二

抹涂春色是春風，十里長堤處處同。繡眼檢清花上下，畫眉啼遍水西東。能登坡嶺無青綠，解綴樓臺賴紫紅。堪嘆世人多不賞，忙生忙死步匆匆。生機未怕屋如林，舉目頻來不必尋。油鴨避人潛水底，夭桃媚客向街心。曾無神祇歸春去，曠有時空待我吟。一自淵明挂冠後，遠山竟日路深深。

### 朝天宮

首 二

炮打火燒光地皮，何人拼攏下公碑。尙畱優孟歌昆曲，不見王孫習禮儀。萬仞宮牆雲自過，

六朝文脈水輕推。一頭老鵲枝間審，欲辨橋邊又是誰。  
血流牆外事休評，叔侄消停罷鼓鉦。曾時兩門張道德，今畱一屋賣文明。  
園中酒老沉賢相，海上潮生浸大成。千古滄桑休累我，飛雲閣外數星星。

桃葉渡

至此能觀花盡落，碧桃桃葉是何時。秦淮河岸人如玉，王謝堂中筆似詩。  
實縱成蟠難卻老，嫗眞何物善生兒。靈魂欲渡無舟楫，一水悠悠洗獻之。

烏衣巷

三首

千年賸得幾行書，今日尋常燕也無。縱有流觴誰作賦，盡多老驥不敲壺。  
劉郎去後紅塵在，盧子來時紫陌蘇。隔壁琴師音已穩，小樓閑立看河圖。  
掐掌流紅祇自知，東山起日我閒時。投鞭未可填淝水，破陣眞須賴小兒。  
優劣欲分觀賊壓，風神想見待濤吹。心儀當日蒲葵扇，遠勝清狂康樂詩。  
眞到庭前柳絮飛，謝家風物去難歸。黃香有篆能書咄，青幔何人再出幃。  
天壤塵中多感慨，荆榛林內少芳菲。一朝刃賊非緣力，多是平生與愿違。

冶山

削遍東南霸業成，冶城猶自鑄神兵。我來爾去宮無主，宋詠唐題石有名。  
一襲荷裙剛盡克，三千越甲草重生。縱然罷卻爭高意，對面鍾山不與平。

揚州  
首 三

天賜吾生暖地球，何妨二月下揚州。慢將詩句千年掘，急把風光兩眼收。長看好花如好友，未曾騎鶴憶騎牛。年來聽慣和諧曲，綠入楊林漫聽鳩。一天春雨挂揚州，誰卷珠簾露亮眸。湖瘦或因思我久，山平祇合看花休。幾人記得荷塘月，百姓奔忙住宅樓。千古運河流不盡，貧家流汗富流油。看竹原宜冒雨來，盡畱翠色洗塵埃。鹽商幸見兒孫雅，風景終須李杜才。池畔今朝添一个，梅身自古立雙呆。光陰天地都休說，演罷人神鬼上臺。

聞有司於故鄉黃龍山建汨水源碑適值端陽

首 五

記得在山泉水清，離鄉卅載總牽情。黃龍致雨風波遠，白首窮經嶺壑平。曾到洞庭涓漚處，不聞越上鳥鳴聲。家書且說新鮮事，憶及孩提膽也驚。急流知退隱於城，記得在山泉水清。飛鳥目中唯有樹，至人身外不留名。毋須捫蝨嗤王猛，何必凭碑憶屈平。際會風雲多是夢，忘懷醒醉自心輕。賈傅當年淚枉傾，書生盡毀一腔誠。貿然入彀良弓險，記得在山泉水清。香黍招來魚躍躍，苦蒲挂出喜盈盈。千年幾段離騷句，祇是編書做點睛。人生最患是聰明，正本尋源事不成。庸惡懷王非罵死，糊塗松雪慣偷生。莫幫離岸龍舟急，記得在山泉水清。溪入江湖歸大海，漲消不再藉陰晴。天道無私自運行，沉何驅殼請何纓。講壇多見傳權術，佞史猶難掩罵名。墮淚當年碑已化，含沙半夜鬼重生。長江濁浪黃千里，記得在山泉水清。

### 任紛紛

金麗英（女），一九七一年生，南昌人

#### 郊行

最愛春郊雨後晴，曉鶯嗁破柳煙輕。詩心卻恐花零落，負此溪山又一程。

#### 金水、高涼兄南昌取道溫州，席中飛花傳令步梅雲先生韻

薰風迴餞席，煙結篆纖纖。試茗喉初潤，飛花興正添。墨香舒倦眼，市遠隔重簾。客履絕塵處，青山接翠檐。

#### 庚寅年江西暴雨即事

許是芸芸憂患多，年來山水倍消磨。龍王誤下江南詔，山鬼頻推唱凱波。堤潰可能歸蛀蟻，城傾未必是干戈。桑田一霎成滄海，猶見孤鴻未渡河。

#### 雪峰攀巖

豈畏蒼崖滯不前，偏從絕地上雲巔。猿身但覺風生腋，捫石由它雪落肩。清嘯一聲群籟靜，寒鴉幾點古藤懸。風光自在最高處，俯仰之間便倚天。

#### 春夜聽雨

暮卷陰雲攜雨長，驚雷落處燕泥香。柳因風急振弦響，墨趁酒酣行筆狂。漠漠織煙舟隱約，瀟瀟敲竹韻玎璫。江南今夜宜高臥，萬點春聲入夢鄉。

庚寅年初九江右小聚分韻得「相」字

霓虹月色任交相，照取冰心漫碧觴。燕語何須皆故舊，青衫難得是疏狂。卻看花信隨春發，好引閑情入味長。歸去窗明應似水，枕書尋夢到詩鄉。

詠風

本是疏狂自在身，迂廊徊徑起香塵。閑同飛燕捎花信，興伴游魚拂釣綸。潭月動搖心逐影，浮雲舒捲夢歸真。多情總在隆冬後，吹綠江南又一春。

湖

碧水藍天一色裁，浮塵滌淨了無埃。綸絲投餌魚悄喋，燕翅掠湖紋漸開。野渚遠含山色近，扁舟輕過柳陰來。釣翁歸去知何處，浩渺煙波任爾猜。

送春

燕趁新晴掠水飛，依依岸柳掩芳菲。隔窗鶯語聲侵枕，轉案桐陰翠上衣。酒佐詩心人未老，風催花信夢全非。薄情自在多情後，不問東君歸不歸。

網名自詠

年來山水每相違，檢點前緣夢已非。擲卷獨尋三徑雪，翻詩欲叩謝家扉。任它世事紛紛擾，似我風花落落飛。但得身閑常自在，逍遙渡裏不思歸。

秋夜感懷

一葉敲窗報入秋，無端心緒上高樓，參差桐影風難定，斷續蛩鳴夢且休。對月情懷耽往事，費人詩句是閑愁。未知離思添多少，但覺年來漸白頭。

菊花

泠泠清影落疏籬，未合衆芳開自遲。枝抱冷香凝玉露，花團霜色散銀絲。傷秋心事循猶遠，病酒生涯醉莫辭。塵世偕誰甘寂寞？唯君與我兩相知。

山居秋事

最愛山居諸事悠，倚巖廬舍接瀛洲。人隨曲徑穿雲入，溪抱孤村載月流。撇卻浮生連日擾，采迴野菊一身秋。怡然把酒東籬下，不許風霜染白頭。

阮郎歸

花辭樹

一宵風樹扣窗檣，相思斷續聽。朝來聊趁雨初停，沿階拾落英。紅點點，付池傾。忍看香逐萍？可憐身世慣飄零，情多翻薄情。

唐多令

冬日有感

何處暗香浮？更殘月上樓。雪後梅、萼抱冰虬。風過瓊林聲隱約，誰弄笛、吹新愁。樓外水空流，風霜染白頭。嘆此生、夢繫孤舟。心事從今收拾起，任人問、俱言休。



# 江湖小李

李汝啟，一九六四  
年生，江西上栗人

## 挽李汝倫先生並序

先生幟樹天南，名垂宇內，首創《當代詩詞》刊，化育天下，功在千秋。○八年獲五萬巨獎，即捐災區，而先生家徒四壁，身無長物。余心儀已久，無緣識荆。然○五年一組拙作得先生領首，立春，生機隱露，或可告慰先生。不敢作世俗之哭，或儼秦失之號。

犁破荒蠻嶺表豪，蒼茫荷戟戰姿高。遙聞雪月騎黃鶴，未及程門聆紫簫。捐獎誰知四立壁，衡文人重九方皋。望南風雨悲秦失，應信遺篇接楚騷。

小石源探春雅集夜飲，仰翁囑分韻，計座中十人，議以先師《嘯歌集》中第一首五言律首聯爲韻，得「故里朝爲別雄州暮靄荒」十字，小李拈得「雄」字

瑤池桃未碧，人間杏待紅。石源春早豈隨俗，正月廿八廿九中。花解主人意，依期作淡濃。綠鬢女、垂髫童；座中更有米壽翁。紅燭燒破鑿亭夜，綠煙搖醒柳塘風。朗吟驚山鬼，扣角笑楚雄。鳥舞魚躍出潛龍。何人瞠目結舌而耳聰？何人被褐懷玉傷不逢？花下誰劉、阮，亭中誰書空？夜涼休醉臥，玉露砭肌胸。逃心復不可，塊磊疊重重。振衣紅雨落碧叢。

## 接人短信後

欲見渺難期，經冬音訊違。山川隔未遠，風雨每同時。暗淚彈書頁，牽心上翠眉。或因分別久，入夢更相疑。

## 小石源別後寄蟄堪、王燕、金水、高涼諸先生

悠悠宇內仰高標，幸矣荒村一並邀。煙雨穿簾濕清夢，湘風佐酒畏紅椒。亭傳夜話燈搖影，腕走錐芒隼逐鷗。谷口依依期後約，帝京楓葉佔霜綃。

### 抱月齋

胡劍，字書田，一九七  
七年生，江西九江人

#### 濂溪茶樓雅聚

春樹悠悠春水藍，斯人樓上作清談。  
閑心悄共濂溪轉，半日流花入曲潭。

#### 庚寅夏夜

纔消暑氣夜風輕，伏月還同秋月明。  
三碗清茶人不寐，漫看星斗待潮生。

#### 庚寅端午

初停宿雨愛新涼，烏囀青藤瓜蔓長。  
前巷人爭蒲艾葉，信知隔日是端陽。

#### 題圖長腳鷗

首二

紅腳纖纖立淺灘，  
眼眉如豆欲描難。  
不知今夜江湖裏，  
何處蘆叢可暫安。  
已慣生涯向五湖，  
蘆叢深處暗相呼。  
休貪蚌肉千般好，  
恐入漁人舊碗櫛。

#### 穀雨遊江磯寺

不識江磯寺，初來雨滿天。  
直公歸四世，銀杏發千年。  
舊壘修雄殿，空山響瀑泉。  
豈無朱子宴，一座亦時賢。

昨夜廬山雷雨，今朝晨起涼風習習，而明日立秋也

昨夜山雷響，今朝水氣涼。當窗搖白日，搔首憶黃梁。野鳥聲聲碎，盆花葉葉香。遙憐秋夕近，共說鵲橋長。

庚寅初秋遊廬山石門澗

爲愛廬山美，驅車入石門。涼風吹客鬢，峭壁接雲根。照影泉猶慧，聞經臺欲言。遙知夜月上，空澗引嘯猿。

庚寅初秋廬山剪刀峽休閑一日遊

作客來東嶺，偷閑過虎溪。近門黃犬臥，隔岸白羊嘯。求道洞天古，尋源石徑迷。可拋塵內事，高臥共山鷄。

庚寅初春過胡慶餘堂，堂在杭州清河坊中

高牆鴛瓦依稀在，燕喚春風客正來。河坊街中人隔世，吳山頂上石生苔。朝陽起處天開眼，海氣來時地起霾。終差陶朱醫國手，五湖煙月笑雄才。

重到杭城，月下至風波亭下

三十餘年竟未逢，何能兩度笑春風？已憐共對煙光裏，猶幸相看月色中。有宋樓臺山外碧，萬家燈火樹間紅。來尋武穆銜冤處，爲道人間四海同。

濂溪茶樓雅聚，分韻「春宵一刻值千金」以年齒排序

新知舊雨喜同筵，人海茫茫感大千。思繞黃河三萬里，腸牽綠茗九迴旋。眞從井市成中隱，肯把風流借少年？他日如傳高士會，冰心莫道已蕭然。

夏夜不眠偶感

年華如水易消磨。枕上蛙聲嘆逝波。入世漸成鷄後肋，爲官已信夢中柯。喜看小女新牙大，愁說高堂白髮多。濁酒一杯聊醉臥，長宵休問事如何。

庚寅新秋

爲寫新詞上小樓，中年況味入新秋。遠空雁字初畱影，高樹蟬聲已帶愁。滿目湖山眞可隱，一家老少豈能休。憐人唯有東林月，夜夜灘頭照釣舟。

浣溪沙

首四

藕實初成氣色枯，無花無葉倩人扶。分明幽恨壓平湖。  
紅魚。穠華如夢總成虛。南湖枯荷

又見春風吹碧水，還思秋雨逗

楊柳依依初倚風，斷橋影裏記相逢。新愁舊恨總匆匆。  
情鍾。夕陽猶照塔玲瓏。遊杭州西湖斷橋，想許儂、白娘子事

悔教人間畱密約，休同天上作

淡月疏星夜氣涼，蛙聲斷續稻風香。豆棚庭院小方牀。

應有銀灣千里隔，豈無烏鵲此

宵忙。何人天上作牛郎？七夕

鷄塞夢迴眠不能，枕前清淚冷如冰。起看殘月帶三星。  
心僧。江湖幾處起秋聲。秋夜

大隱難成聊小隱，頭僧未就且

## 東華人氏

陳建福，一九五七年生於江西上饒，祖籍山東沂南，現居南昌

### 探幽短章

首 四

逍遙何處去，竹杖助行程。  
古壁留殘句，峰高雁過輕。  
徑荒人迹少，松老鳥聲低。  
夕磬憑風遠，荷塘一筆題。  
翠竹千枝秀，禪茶一室香。  
泉聲勤入耳，月色籠山莊。  
游雲藏秀谷，頑石在靈山。  
莫道詩思仄，登臨眼界寬。

### 江南春草

首 五

尋得迎春半日吟，忽驚近處有鳴禽。  
高楓老柳新枝發，且籍青山慰客心。  
江堤日麗白鷗飛，楊柳橋邊看落暉。  
縱有香魂招不得，思君枕上夢中歸。  
春寒不定雨瀟瀟，坐對西山任寂寥。  
幸有詩書存古意，蓑衣斗笠說前朝。  
三月春陰柳自斜，池塘水滿攏煙霞。  
詩留千古流觴處，莫道無人感物華。  
予才微吟杏一枝，半風半雨入新詩。  
春寒料峭今猶在，雪滿京城市化凍遲。

### 攜殊熠兄夜遊梅嶺長春湖

疏林篩月白，幽谷步泉聲。  
隱約疑魑過，低回似鳥驚。  
湖高風作浪，筏小客鍾情。  
好景非常態，忘骸任酒傾。

孟冬晴暖

首 二

江南晴日久，十月小陽春。雁去依然遠，風翻別樣新。他鄉無故友，山外有羈人。遙望登高處，孤雲獨可親。難得雲崖暖，賦閑且趁晴。捧書由日曬，叩石共蛩鳴。酒醉三杯滿，湖開一鏡平。板橋人迹杳，但見釣舟橫。

雨夜茗坐

轡 轡  
體

雨叩閑窗破寂寥，人間況味在今宵。嬌兒夢裏笑頻出，老子杯中香自搖。不計沉浮牽鶴影，何由寵辱亂心潮。魚龍樂得江湖闊，雲水千尋野趣饒。飛雲潑墨過山嶠，雨叩閑窗破寂寥。詩酒幾年文字結，功名一筆紙船漂。英雄逝去多無悔，達士從來慣自嘲。明日晴和迴首看，餘生事業待重描。胸臆沉沉酒未消，黃昏風起亂雲飄。禽鳴老樹添惆悵，雨叩閑窗破寂寥。無欲門前常倚柳，多情燈下久思陶。樓臺隱約晨曦裏，幾見禪狐步野橋。家山遠別隔靈霄，歲在江南共柏凋。芳草池邊多散漫，冰蟾水底獨清昭。雲遮故土喑音訊，雨叩閑窗破寂寥。莫道天涯羈絆少，平生何處唱漁樵。水瀉泥沙大浪淘，風雲際會電光飈。長槍短戟皆培土，猛虎強龍競折腰。落定塵埃心已倦，消停事迹鶴爲僚。中年品得禪茶味，雨叩閑窗破寂寥。

與子尋梅探春

疏影亭亭破臘殘，孤芳脈脈禦輕寒。花緣有信爭春早，詩意無心著色難。萬里晨星鴻雁過，  
千秋古調美人彈。枝頭笑把靈犀證，喚醒東風靜處看。

菩薩蠻

首五

人生難得千般好，千般好處蓬萊渺。莫要羨神僊，神僊也覺寒。  
無聊當自醉，有夢堪  
迴味。不管幾多愁，江河水照流。溪林招白鷺，起向樽  
青山笑我還年少，尋蹤我笑青山老。劈徑是秦人，秦人也避秦。  
幽幽聞笛怨，總有人  
前舞。嶺上挂餘暉，遲遲照我歸。春花秋月誰能了，衝牛射斗英雄傲。不是我多情，多情是落英。  
腸斷。一笑解千愁，江亭看白鷗。疏枝斜未放，只在心  
寒雲凍雨遊何處，漁樵指點尋梅路。邁步過江堤，江堤更有誰。當年風景在，只是心  
頭望。去歲插花吟，重來有幾人。橫空雁去鳴聲斷，垂條葉落殘江岸。一夢入邯鄲，題畱壁上觀。  
情改。萬古見滄桑，壺中日月長。

披雲

陳驥，一九八三年生，  
江西廣丰人，居南昌

清明書《清明糶》文後

清明闕一日，古人謂寒食。吾鄉無此風，采辦秉遺則。豬頭嚙其尾，紅紙覆魚翼。麻園青蓬盛，童孩頗相憶。風擺野杜鵑，炊煙裊無際。時有遠人歸，言笑菜花陌。訝問同社公，少小不相識。田疇論字輩，重禮叔與侄。

冬夜讀詩

曠蕩少年日，詩書盈我心。扛筆呼山海，浩浩法唐音。妙理探無暇，強作不肯暗。倏忽字滿篋，驕愛比黃金。一自入城市，歲月頻見侵。世事紛且繁，進退已難任。中宵開書卷，復慟古人吟。讀之不肯作，淚下沾衣襟。

人邀看櫻花知不能赴短信以答

魂九逝兮前路渺，美人清兮在天涯。連江春雨堪獨臥，不憶櫻花與杏花。

瀚雲湖荷花將放

寂坐南風一散襟，幽居故故感沉吟。從今明月寒波上，獨對江湖萬里心。



戊子除夕短信贈人

首二

願祈君長命，歲歲春如茲。今我亦無憾，多君執手時。  
別來應百感，非復渡江時。岫遠梅偏淡，湖平柳欲遲。  
何永，霜風只自知。梁園昨夜雨，謝客篋中詩。漢廣今

讀《孟浩然集》見少時手批

雲臥層崖畔，嘗讀君子書。混茫思已遠，清冷重相如。  
索寞，春雨正當廬。周比人心淡，山川筆跡疏。何因追

重見枇杷樹

少時癡念此味，嘗殷勤移苗於園圃，長輩囑云枇杷十載掛果。少年手植，實非此株，祇相思如一，悵然以記。

四月綿青郁，高坡對晚陽。明霞飛赤艷，疏雨過橙黃。  
曠野，樹下立蒼茫。十載分甘味，一株移舊鄉。獨歸依

將別小樓

地迴楚雲闊，林臯早入秋。孤城坐蛩海，永夜待星流。  
章發，前路更綢繆。殘霧繞窗橘，涼颺憶遠遊。明朝豫

答贈小安時值中秋

飲我菊花酒，懷君錦繡篇。平生多感激，況值素秋天。江月看易滿，征鴻蹤屢遷。停雲歌一解，別去已經年。

真如會後數蒙垂詢草成一律呈熊先生

世路多薄俗，逢人頗自藏。感君臻古道，令我愧無當。大典名山在，秋風萬籟蒼。澗潄存一晤，回首意茫茫。

歲暮贈周春明

湖海賞花客，高齋今若何。北風吹絳帳，清夢渡黃河。坐任千山越，休憑五噫歌。情癡晚櫻下，一歲一蹉跎。

歲暮有懷寄吳功青博洛尼亞

吾子今何往，北風清且寒。別來消息少，終恨海隅寬。攜手除非夢，圍爐今亦難。不言昔碩健，只說勸加餐。

病中小坐讀詩是夜江南初雪

舍寒春雨侵，燈下坐沉吟。稍啓參商夢，終無饜世心。養神山欲邁，展卷壑初臨。轉恨微雪夜，戴舟當復尋。

遊城北山茶園次漁歌兄韻

北郊花自放，無意動京城。春澤濕翠葉，野芳棲碧晴。透迤愛新木，散漫聽流鶯。或值罡風起，翩然不復驚。

劉賓客詩「庭前芍藥妖無格，池上芙蓉淨少情。唯有牡丹真國色，花開時節動京城。」  
龔定盦詩「罡風力大簸春魂，虎豹沉沉臥九關。終是落花心緒好，平生默感玉皇恩。」

獻給卡尼吉亞、巴蒂斯圖塔、梅西及一切阿根廷隊現在和曾經自由奔跑的人

重蹈象牙塔，深懷潘帕斯。白藍潛記憶，青澀在當時。長髮何其美，星光永在茲。平生自由義，一瞬若風馳。

消夏

水漫楊堤綠漫柯，清影江南不復過。暑布還欣逢客少，夏長但覺愛書多。閑情已付俠客傳，世事無悲春夢婆。此夕相思忽惆悵，推窗一夜看星河。

風雨閉門聊寫長律答楊卓

淺夏同雲壓水濱，小樓風雨愛閑身。形骸久寄容豎子，簫劍聊陳諛美人。避世成狂如好色，聞經居巷不嫌貧。比來況有馬融在，市井追陪倍覺親。

草嘯

蕭美鋼，一九五八年生，江西南昌人

庚寅初九吟友雅聚分韻得與字

畢竟碧雲天，春爲東道主。依依柳渡風，翦翦桃坳雨。夢境亦曾思，筆端唯所取。好禽循路來，莫復愁相與。

詠雷

二 選

久困陰寒日，微聞海上雷。老天應踐諾，還我一春來。亂雲時逞性，蔽日鬪蒼穹。霹靂真如翦，橫裁萬丈虹。

聞今有雪

瓊花好景要人探，邸報風傳已再三。想是京畿開徧了，又思巡幸下江南。

喜雪

老去芙蓉未見嫌，冰天倒長筍胎尖。從今體味江南夢，別有瓊樓隔一簾。

題桃花小照

榮枯每見略相同，本色緣由造化功。有幸一年爲領袖，塵寰從此漾春風。

梅嶺南麓桐樹坑山茶園賞花題照

暫息風波雨勢收，夾雲天氣恰清遊。溪山不幸花顏色，日漸同塵入濁流。

感事

接踵山行汲一壺，春燒雲貴早塵區。焦心指望隨車雨，不要逢災惠淚珠。

摘菜

一晌貪歡地，農家樂幾何。未諳娛日久，已誤讀書多。得趣雖無礙，迷心或有魔。若爲收拾後，不復此蹉跎。

新正凌寒上建春門眺遠

邂逅東風雨，夭桃徑自開。煙拖山翠色，歲鑿堞蒼苔。二水圍城舍，八荒收境臺。故知爲異客，天際發屯雷。

七夕

著眼橫雲澈，關心此夜長。未諳誰使力，塵路接僊鄉。弄巧多虧鵲，擔愁幸是郎。可憐人自處，牽夢一場場。

自爲壽

芙蓉三變早來冬，市井風寒袖手逢。顧影籬根蛩草寂，迷霜路面月華濃。秋心造夢無端少，老酒容人本事庸。只愧不如高尚者，浮雲是處好潛龍。

題箸

也曾防賊認砒霜，自掩韜光魏武旁。飯局主賓皆好使，家居鹹淡每先嘗。還多夾遞關情味，不僅拈來可意香。趁手物須靈巧用，刀叉只合擺排場。

歲末檢點

韶光逝水沒荒煙，故我枯腸守市廛。五十歲非垂老日，尋常夢亦有春天。霜風如許欺華髮，粟酒經年療惘然。坐想梅花憐不到，更無拈雪袖香緣。

晚起

雲龍去處已前瞻，帶雨風來翠一團。響雀呼群俱醒世，青衫抱恙復披寒。偶然沉睡遊春夢，浪得多情繞筆端。忘卻洪崖溪上竹，也曾裁作未央冠。

驚蟄

響雷聞落冷窗多，礙我春眠枕夜過。夢裏蝶胎催裂變，世間蛇足要騰挪。始從山雨芽尖笋，漸自雲根蔓細蘿。總覺江南風氣好，領先花鳥上青柯。

## 豐城行

驛枕難爲蝶夢沉，好禽偏擅囀聲音。從初雨腳收青翠，逐漸花雲灼淺深。借徑他山人異趣，爭春此日道同心。休言不踵前塵迹，要識流風變古今。

## 與諸子城東夜飲坐湖上亭

斯文頗愛野人廚，指點江山構畫圖。落日未殘先挂月，歸車暫駐並遊湖。四圍春水亭偏小，一抱靈心道不孤。莫問煙霞何處好，艾溪光影泛屠蘇。

## 闕題

四面蟬聲盡日喧，待秋風氣轉乾坤。黃梁夢復迷人士，故國春曾謫楚魂。始見衆心憐小我，終翻白眼向朱門。等閑還憶流霞好，不爲東籬尙有村。

## 浣溪沙

重陽獨酌

欲看黃花慰寂寥，偶因塵事未登高。惜無眼界到層霄。數盞秋心閑此日，一襟詩夢與明朝。殘山賸水起煙濤。

## 浪淘沙令

立秋

日氣籠雲鄉，未轉吹涼。青蟬對話小書窗。淺酌非關人倦矣，鬢角微霜。況味夜思量，觸發螢光。西風無限水天長。我有秋心終可見，舊徑花黃。

## 胖大海

彭德華，號弘雲居士，一九七五年生，江西遂川人，現居贛州

## 遊普陀山

首 三

放卻沉冗事，偷身佛島遊。精廬藏葉底，梵唄貯眉溝。雨去雲飄緲，風來浪不休。海天生一色，何處泊歸舟？  
浮華如海蜃，過眼本虛無。浪去千帆靜，山環一寺孤。香煙氤肅鐸，夜雨濕征襦。莫怨秋來晚，何曾似我殊？  
浪拍舟山嶼，滄波隱翠微。縈思紅日處，適見白鷗飛。古刹堪如洗，禪心或可違。滿身蓬垢去，能落幾塵歸？

## 雨中與顯族、俊衍、樂秋諸公登陽嶺之巔

溝谷浮青黛，尋幽上翠涯。山高雲隱寺，竹瘦筍抽芽。不歷千階險，何觀萬里賒。誰知春戲客，風怯雨橫斜。

## 北戴河述懷

庚寅初秋，時近中元，鐵道部文聯召開中國鐵路文學（北戴河）青年作家創作研討會。于會閒暇，攜文友消遯海畔，賦成一組，並贈與會諸君

吾心如海信，撲向岸邊沙。或逐萍無定，還觀燕有涯。船橫因困頓，筆落是鉛華。逝事何堪憶，灘頭一浪花。卜浪  
北溟風物動如描，靜坐濤頭待月消。浪帶鹽腥侵看客，舟盈酒氣蕩漁樵。曾因舊夢懼新夢，



竟引心潮覆海潮。紅豆半珠南國杳，空留思緒向天燒。觀海  
無由端的不飄零，已慣深林賦落英。月照梅邊常弄笛，人翔鷗底欲騎鯨。蹀來濁浪因灘泄，湧起洪波夾岸行。曉夢浮身雲澹澹，笑看潮落並潮生。弄潮

### 東山寺見玫瑰花

空庭本是無情地，徒有形霞帶露開。似怒似嬌皆野趣，亦羞亦怯歎低迴。賣花擔上斜雲鬢，卷地風前動劫灰。搖曳一枝吾欲折，孰知不只為卿來。

### 立秋日遊青原山淨居寺，草成長句，聊以釋懷

又生秋氣撲庭除，跋道青原謁淨居。風過松梢疑野鶴，事藏心罅問池魚。情思已覆三江水，解惑難期六祖書。放眼浮雲飛去去，禪關待月客何噓。

### 浣溪沙 賞春

三月芳菲任剪裁，和風嬌翠著香埃。籬梢拈嗅動春腮。  
舊花開。人花比並小情懷。  
人面輕傾花面去，新花疊入

### 鷓鴣天 聽濤

入夜秋情翦亂鬢，單衣著雨任風翻。靜觀潮汐兼天湧，卻引離愁上海灘。  
天間。為卿插朵浪花還。鏡中倩影休刪去，抑或相逢鬢已斑。  
雲水外，海

離亭燕 謁陽孝本墓

絕世怎生尋味？帳飲流霞而已。雲外荒丘成野翠，雨漱巉岩如洗。我本挈壺來，卻道君眠未起。君厭人生如戲，我厭人生唯利。且共琴臺充塾宇，與子織歌辭醉。拂袖舞清風，撩得山花搖曳。

滿庭芳

電話情思

貢水清波，章江紅浪，舉頭應是黃昏。柳嬌風老，撩亂客衣雲。凝望荒汀野渚，渾如此，靜候佳辰。新來電，執機試問，真箇是伊人？銷魂。先莫道，恩恩怨怨，假假真真。任蝶棲雲髻，葉鎖青顰。怎敵一輪冷月，半爐火，半片江村。觀魚信，縱無尺素，連線亦溫存。

水龍吟

與人言

試看幾國如吾，年來勞燕爭歸路。家山萬疊，鄉音萬斛，鄉愁萬縷。長檻飛紅，空階濺綠，天涯同否？算纖塵滿面，涎泥兩屣，心倦了，憑誰語。何不學吾閑悻。向西樓、晨煙昏雨。參星擾夢，商辰喚起，愴然成趣。花畔辭憂，樽前索醉，夫求何慮。任青春漸老，青絲漸失，且由它去。

# 紅葉

李映斌，一九七五年生，  
江西都昌人，現居北京

## 己丑初雪

搖落渾不覺，孤窗招細聆。  
玲瓏覆塵海，渺邈下雲亭。  
更藉三分白，來添一盞青。  
深宵愁欲散，倚醉數零星。

## 返鄉期間一得兄夜邀茗坐並以詩見寄，步韻爲謝

萬里匆歸日，春風欲暖時。  
近鄉情更怯，促膝意難辭。  
誼厚何須酒，詩成每見癡。  
明朝江國別，料有綠如期。

## 社友小石源探春雅集遙羨因領「鳴」字助興

谷底春先溢，霏霏引鳳鳴。  
吟風生浩蕩，覃葛自崢嶸。  
四座誰呼酒，三更韻結盟。  
吾儕多意氣，千里一同傾。

## 庚寅年會未赴與梅崗隔屏夜坐

殘雪邊城夕，春杯贛水雲。  
清泠顧疏影，迢遞約梅君。  
塵海應難涉，琴聲尙可聞。  
但憑相思溢，共此夜氤氳。

大霧日飛機離京

撥雲追日脫羈牽，鶴背吟遊意若僊。  
萬象已教潮底沒，孤身尤似海中懸。  
因從碧落八千里，轉惜紅塵三十年。  
迴瞰高丘渾不見，帝城杳渺接桑田。

冰城旅夜

雲霄如海落花紛，風冷貂裘歸意眞。  
雪影搖天猶撲朔，霓虹亂目任逡巡。  
寒流何似客潮涌，驛路漸同鄉土親。  
久立長街燈火燦，浮華亦幻帝城塵。

仲春日對雪

幽緒紛披彊自支，溪山岑寂看多時。  
彌天飛雪漫成海，匝樹枯條愁作絲。  
閑日聊傾春甕盡，蓬窗那見老梅垂。  
可堪迎送皆不是，節物祇從雲外知。

暮春日讀冰枝遺集

歲華一夢杳難尋，久撫瑤篇感不禁。  
沈跡應憐隨化鶴，幽懷已遣向高岑。  
經年貧病清時淚，滿紙悲歡畸士心。  
遙念西溪千頃綠，花飄萬點正春深。

客中秋思

首二

滿郊冷色袖邊開，鬱結隨秋漸欲來。  
青眼難投新際遇，金風不散舊塵埃。  
千尋意氣杯中物，幾處江山劫後灰。  
寂寂深宵枯坐久，如潮幽緒未曾排。

合是今生作旅囚，親朋事業兩難酬。浮雲長礙登樓眼，殘酒還添隔夜愁。襟抱卅年堪自負，流光一瞬倩誰收。幽窗夢罷歸來處，瑟瑟新涼酌酌秋。

鷓鴣天

偕妻遊湖

水淨天明畫舫幽，滿湖生趣緩來收。柳絲搖曳渾如醉，池草萋迷未放愁。新綠紫，舊亭樓，襟邊更有萬花酬。相攜小坐春深裏，塵外流光豈足謀。

# 紅土川原

徐忠民，一九六九年生，江西新建人

## 八月十七象湖雅集

首 二

漠漠象湖秋，澹澹雲外樓。記曾楊柳岸，倒影挈將遊。  
今朝撫河水，去歲浙江潮。湖海元龍氣，何如酒一瓢。

## 撫州正覺寺

首 兩

劫灰三武後，三寶又尊崇。廟建名山裏，今宜鬧市中。  
子曰人弘道，佛言法度人。好書精刻印，推普火傳薪。

## 張家界

繁複韓文到處畱，乾坤一柱足千秋。六瓶特采純清氣，世博分甘五大洲。

## 從韶山到井岡山

首 四

觀天夜有鳴岐鳳，壁壘森嚴周帛峰。童子解吟魚不長，及游五井始飛龍。  
楊花未謝桂花香，不薄紅裝愛武裝。十載驅馳覲廬岳，鳥飛難到楚天長。  
西方山洞靜容參，虎踞龍蟠堪養涵。烈士暮年輕一怒，不周山潰陷東南。  
紫銅何幸鑄英魂，日月齊輝沐聖恩。天意於今人可問，武王伐紂紀新元。

教師節日近感作 首 二

木鐸千秋俎豆陳，素王功業獨懷仁。一從麟獲賢回死，可畏後生趨後塵。  
反儒批孔有誰知，八月秋高謚導師。絳帳霑濡何必問，生於赤縣長紅旗。

從江右諸子撫州訪東華兄 首 四

豫章雲出望詩山，高速狂奔連闖關。捉得下元明月在，額頭燈照競登攀。  
華東地院訪東華，廿載重來暫駐車。日上中天留箇影，題詩好向故人夸。  
神交面晤亦詩緣，君殖他鄉我負田。縮地遨遊收短信，心機心電總通玄。  
大賈擅於長袖舞，才人慣作不平鳴。中唐韓子開先例，可寫諛書墓志銘。

靈谷山號詩山  
憶華東地質學院  
高中同學周則河  
晤詩友胡家炳  
返昌途中笑談  
開文化公司

讀書 首 四

相思成疾心如鐵，泣血滴心心即灰。情化萬千皆有自，西河舟泊對樓臺。  
滄海橫流沮洳多借句，斯人高詠水杉歌。咿呀張口穿山甲，已啓山林向岳河。  
隱忍生平祇借軀，一家言抗獨尊儒。子胥若是從奢死，別樣人間瘞丈夫。  
士林禮樂觀風標，泰伯句吳九五高。至德莫如天下讓，尼山當日也心勞。

情史  
太史公書  
儒林外史

與內子內兄重走望獅澗

西天獅子吼，曲澗走銜枚。詩興迴頭發，生機拂面來。未冬先滾雪，久旱始鳴雷。持重山高遠，奔流向九垓。

暮登靈谷峰有懷謝公

西眷日垂天，東山正月圓。閃輝雲蕩駘，息影樹翩躚。遠志尋常草，謝公靈谷僊。廬陵感君子，心朕在臨川。

好事近

小酌分韻得傑字

祝酒未三巡，已感包廂煩熱。奪席劇談快意，解愁腸盤結。遠庖肉食草根謀，時勢起豪傑。盛世江湖恩怨，付漁樵風月。

謝池春

先父三十年前到過韶山，帶迴燈芯糕、《增廣賢文》和四體《百家姓》，贈小方帕給幾位叔叔

三十年前，主席故居瞻仰。說歸來，尋常屋場。太陽昇處，似榮登皇榜。貺湘巾，友于分享。糕點喫過，夜讀賢文增廣。任江湖，熙來攘往。卅年踵至，但臨風懷想。倩招魂，一聲鷄唱。



## 華仔

趙承華，一九七六年生，江西星子人

### 灰太郎與喜羊羊

狼堡。灰太郎。紅太狼。發明創造。逮羊。資本控制市場。  
羊村。喜羊羊。沸羊羊。自衛反擊。涮狼。階級鬥爭為綱。  
亂曰：特色定音軌。和諧狼與羊。憲章為褻衣。外可覆新裳。

### 五雜組

五雜組，飛桃李。往復還，凝夜紫。不得已，春心死。  
五雜組，溽為病。往復還，風不競。不得已，恭炎聖。  
五雜組，星漢爍。往復還，雲中鵲。不得已，黃花削。  
五雜組，天山雪。往復還，車轍裂。不得已，空相悅。  
五雜組，丹穴鳳。往復還，岐山夢。不得已，塵世慟。

### 雲水四章

卿為天上雲，我為地上水。雲水日相望，相思何時止。  
當時未有雲，神靈行于水。痛恨第二日，從茲不可揆。  
為慰相思苦，卿化連宵雨。明日復蒸騰，心思猶未吐。

雲有雲方向，水有水之軌。縱使各天涯，糾纏如量子。

素心

素心如片紙，未忍便掀開。中有兒童夢，不與大人猜。

光明頂一月詩題「苟日新，日日新，又日新」

大道森然秉萬鈞，暮光之際遞沉淪。眾賢應識循環理，何事紛紛說日新。

流星花園

卿亦流星也，我亦流星也。茫茫曾不識，引力終相挈。相挈是重生，孰云是毀滅。二而合為一，從茲共欣悅。

祭

天眼昏茫未肯開，人間盜火愧前來。孰聞病木驚春雨，已慣浮花覆土坯。至此詩心死而已，云何汝意夢乎哉。沉哀憤慨終於匿，二十年來故紙堆。

南風

南風何吝嗇，不肯發清微。大日翻翻虐，玄蟬鬱鬱欷。空虛天愈遠，塵起夢多違。東足公衙裏，胡思白雪飛。

# 菜人

熊興旺，一九六三年生，  
江西新建人，居南昌

## 香兒墳上

恍如生死百年分，一自當初隔此墳。魂不見歸江上水，歌曾聞響谷中雲。祭香兒一百韻（詞遇韻）

桃花塢，楊柳渡。去幾何？無多路。柳如煙，花似霧。昔美人，恆此遇。或采花，或漂布。初遇余，尙頗懼。羞不言，言難喻。及日長，乃無瞿。見我來，笑相顧。與余言，言多趣。至後來，真性露。偶謔之，敢嗔怒。每逗之，曰可惡。任率真，隨談吐。少嫌猜，無裝做。除辯長，一如故。二八過，言當娶。孰料之，事多迂。我父知，寧此護？強拆之，意卻固。曰其婆，農村嫗。曰其娘，農村婦。曰其人，農村孺。謂菟絲，難我附。彼歸余，事未具。業無從，房無住。黑市人，城難寓。吾曰非，轍無數。無業從，自開鋪。無處居，能宿露？是不成，我迴驅。寧與之，將農務。亦不能，將其負。其於兒，如甘樹。兒於其，如鰲鮒。苟無之，涸誰响？城中姝，誠亦姤。然終嫌，多金鍍。況其攀，唯紈綺。縱我憐，吾敢慕？吾所希，唯純素。彼具之，乃天賦。父此聞，久踱步。忽斥余，為情錮。縱多言，難理諭。曰其終，必抵牾。妹思余，卻難晤。我臨江，詐一赴。冀庭幃，能悔悟。甚此為，傳有誤？妹聞之，驚失措。奔江樓，淚如注。彼謂余，真已故。一時懵，樓下僕。吾聞之，急奔訃。見樓沿，唯雙屨。知此時，悲已鑄。悔莫追，空大呼。恨流光，難迴溯。嘆前情，皆虛付。每思之，傷情慄。自卿亡，病日痼。舊鄰姝，已無妒。嘆僂姿，難重塑。昔雙鴛，今隻兔。無傍行，難成互。日無聊，酒頻酷。為澆愁，醉猶醜。嘆年華，成虛度。負所期，志難驚。人於官，趨若鶩。吾獨狂，恥行賂。孰迎余，於賓阼？但供人，隨擺布。或閉門，自覓句。

偶感時，還淚雨。念睡獅，今已寤。之未興，窮所苦。制於夷，何屢屢。雖放開，國難富。府帑空，興重賦。縱稔豐，民難裕。少油鹽，乏醬醋。衣不溫，飯難饅。彼何人，免饑否？乃貪官，終日醮。陪飲之，有衆媿。血羅裙，翻酒污。每思之，空仰吁。欲迴天，力不副。卿已亡，愁誰訴？今此來，景和煦。卿昔嘆，春難駐。今我來，傷遲暮。深塢中，花滿樹。古渡前，飛白鷺。塢渡間，草滿阜。草阜巔，乃卿墓。墓碑前，香一炷。待吾終，會此拊。

### 香兒靈前

昔我靈前到獨遲，哭如人失彼顰兒。空中一日寫雙落，地上五星旗半垂。猶記當時曾此想，未思其世有誰知。事今憶起宛同昨，無爲歲更稍減悲。

### 夢中作

首二

遙看天上下雲駟，僊袂飄飄落遠汀。嗟有煙波妨去路，恨無風雨阻歸靈。浮舟我欲辭危岸，拾翠人驚入杳冥。一去芳姿難再睹，空畱行迹散餘馨。不見追風鸞鳳影，但聞軋露轂輪聲。空中皎皎月光照，洲畔濺濺江水鳴。眇眇愁予空竚立，悠悠御霧自飛行。安能脅下生雙翼，汗漫與之遊太清？

### 九日梅嶺登高

嶺固重陽登者多，然乖其俗奈如何。人無見佩萸囊至，誰復知攜菊酒過？鋪地團旗攤撲克，隔山支部動探戈。有時坐對松風起，遠處更聞崔健歌。

梅嶺在南昌灣裏區。崔健，人稱中國搖滾樂之教父者。代表作有《一無所有》《新長征路上的搖滾》等。

京華行時八九年初夏

八首  
選一

櫻桃溝畔有村墟，見說曹公曾此居。可不門前三古樹？果然郊外一幽廬。昔年落魄人亡久，今日尋蹤我到初。若道箇中無所睹，且看半部未完書。

廿七初度

二十七年憂半參，如煙往事憶何堪？形枯因與美人隔，性僻爲將佳句耽。風雨雪時時筆走，國家己事事詩談。漫嗟此日身無立，三十去今還有三。

《紅樓夢》讀後

幾時化蝶入紅樓？竹館瀟湘任戲遊。黃土壠中何歲月，紅樓夢裏好春秋。多情公子等閑度，薄命佳人爲底愁？知己不知知己命，當初無怪即夷猶。

無房嘆

風揭杜陵堂上茅，上飄樹杪下塘坳。昔之詩聖有私舍，今者騷人無己巢。纔自破街驅陋巷，又從市井逐城郊。同爲一樣三遷徙，孟母擇鄰吾短鈔。

尋春

平生最愛是桃花，今日尋春即爲它。已累三天來綠陌，仍無一樹泛紅霞。遲遲懶發殊堪惱，簌簌飄零更可嗟。似此還爲不開好，免教人見嘆年華。

### 殊熠在天

黃金平，一九七一年  
生，江西南昌縣人

#### 題人畫荷

我羨雅君子，淡墨饒遠想。胸中無塵氛，腕下有林莽。一旦生秋興，夢遍芙蓉港。描之入尺幅，煙浦不須槳。冉冉此秀荷，趁風猶待長。其氣欲盈室，恍聽蓮歌響。素華方自惜，無煩世間賞。

#### 雨夜

己不更惆悵，隔簾聽淅瀝。幽階一夜苔，自作相思碧。

#### 題圖

首二

雪綴樹俱白，春來山未青。戴堪乘興訪，難棹一溪冰。  
連日林間鳥，學吟梁甫調。茅廬足自容，雪野曾誰到？

#### 代友人賦回鄉

首二

依舊流花溪水，翻新滋雨山林。似悅天涯歸客，杜鵑爲嘯鄉音。  
飄去幾回寒暑？話來滿腹甘酸。桑徑凌塘宛在，待尋牛背童年。

重陽

半生光景愛重陽，  
沉復消憂有杜康。  
好句也如嬌菊淡，  
一詩抵得十枝香。

春晨

薄雲烘出暖陽天，  
秀野欣欣卻嗜眠。  
小鷓欲詢鄰里事，  
一飛落到我窗前。

茗談老者

丹心最是情難已，  
綠茗緣何味不佳？  
多少世間堪扼腕？  
夜闌庭月照寒花。

題畫

繚繞浮雲幾萬年，  
茅廬斜傍古松寒。  
皓然一片崖頭月，  
應見幽人夜叩天。

初雪夜

始信籬邊秋已空，  
莫勞筇杖覓西東。  
昏燈小巷誰來訪？  
祇有深宵雨雪風。

庭花

兀兀數年疑夢裏，  
幾生消得此生哀？  
庭花不解相思苦，  
前事繽紛落樹來。

風驟電掣，有感荆軻之壯

悲凜如聞易水謳，  
蕭蕭風樹爲誰秋。  
長空猶閃荆卿劍，  
未戮秦嬴不肯休！

碧空鷹

碧空鷹一片，顧我略盤旋。似友曾長散，因風又遠騫。偕遊空有願，相望且無緣。即此神交意，比鄰天地間。

百花洲雨后

芳洲益蔥翠，數艇正輕盈。幽景孤尋好，煩襟一洗清。湖憐雲過影，花藉蝶傳情。低拂楊枝軟，長如此濯纓。

和答海風賢弟

羈遊千里外，豈止豁吟眸！鷹鷲獨能擊，水雲相與流。年中期有聚，身外倘無求。長似慈親望，匡山黯欲秋。海風，九江人。

下山

亦未出塵外，何須畱翠巔。人隨枯葉下，峰讓亂雲盤。偶過松林雨，平添石澗泉。誰知騷客去，詩已入溪弦。

夕靄次友韻

夕靄融愁遠更蒼，一杯端賴慰重陽。月無深意空明鑒，菊有幽情故暗香。波淨忽飛孤鷺黑，燈昏微著萬山黃。閻浮何處不飄泊，各自人生誰在旁？有《舞月光》歌唱道：天在天上，人在人旁。



自題舊照

堪笑當年抱負殊，峰頭驕立氣長嘯。欲傾碧海盈天水，遍濟紅塵涸轍魚。斜日已沉雲壑暗，衰楊猶護格窗虛。浮生詩酒蹉跎易，縱有豪情不似初。

緣薄

緣薄空令癡一回，此生無計與相偕。晚鴉啼樹不成句，春水浸階原是苔。事邈或能情盡忘，愁濃欲惹雨都來。禪心失久何從覓？掩過浮雲月若揩。

宿臨川金山寺次雪兒韻

鳥認迦陵有妙聲，林浮瑞氣若雲凝。萬方遙禮崔嵬塔，孤寺深藏淡泊僧。松籟含秋侵榻冷，月光浸野勝波澄。今宵高臥紛紛外，安用經文誦古燈。

相見歡

玉人何處相逢？小橋東。亂樹曲蹊深處、不知蹤。  
縱吩咐、鶯飛去，語難通。寂寞一園殘照、滿亭風。

玉樓春

石灘春眺

胸中塊壘無多個，疊向草叢還自坐。春光放出樹頭鶯，野水撐回煙外舸。碧空澄靜誰能洩？祇許依偎雲數朵。海天不合敘情來，轉瞬飛開無結果。

鷓鴣天

代霧中月兒闌怨

夜夜秋風咽玉鈴，倚欄還眺萬家燈。欲搖月艇尋他去，空撥相思作水聲。

從繾綣、到

零丁，已如前世與今生。薄情慣惹多情恨，但肯歸來恨不能。

臨江僊

午日用陳簡齋韻

競罷龍舟收罷鼓，遊人歸去忽忽。賸沉晚照半江紅，還如當日事，汨沒起悲風。

自是

騷魂今未滅，有星閃在天東。可能衆醉一般同，兵戈息秦楚，棋局弈西中。

烏夜啼

題雪兒手摘紅葉照

歲晚不凋花靨，林深祇透陽光。已成湖海茫茫別，相憶亦淒涼。

一葉人生一日，儼將

何日珍藏？柔荑未用忙攀摘，片刻試思量。

踏莎行

澄碧湖

橋影沉虹，笛聲消暑。白雲依約懸長嶼。波光躍不上舷來，舟中媽笑如花侶。

絲柳深

垂，片風略住。而今都是無情緒。祇餘一鳥掠空飛，劃弧投入殘陽去。

# 虔青草

劉榮青，一九四八年生，  
江西贛州人，現居景德鎮

## 步楚留香蘑菇韻試作

輕裝緊步又登臺，遙看南天皎月開。多少牽腸遊子夢，匆匆聚散幾來迴。  
江山萬里水橫流，結彩張燈慶九州。下里巴人應做主，炎涼世態令人愁。  
題中秋

## 題嫦娥二號

破霧穿雲燦彩煙，嫦娥呼嘯又飛天。廣寒宮裏無多戀，專向人間告大仙。

## 臨屏步一得愚生《中秋夜偶成》韻

信步窗前望，中天月色新。花緣秋漸紫，雲被風輕勻。玉兔歡隨意，親朋念遠因。霜輝同此夜，當照我黎民。

## 未及小石源雅聚遙領「風」字助興

早慕石源美，旖旎縈夢中。春來新借雨，穢去暖緣風。有意尋陶苑，無詩酬酒蟲。翌年天作美，一徑向仙翁。

## 上元夜亦步東坡韻詠

又是人間元夜天，萬家燈火共花妍。寬街鬧市流光彩，閉月烏雲蕩艦船。盡興歡娛舒醉體，

逍遙立世度韶年。雷鳴電閃驚宵夢，玉宇天公亦賀元。

卜算子 母子情

夜半每思親，一輩皆辛苦。體弱才多夢不圓，無計精心顧。  
自小倍艱難，老大還遭妒。所幸兒孫俱用功，未把癡情誤。

【越調 天淨沙】冬雨隨感

天陰小雨沙沙，風寒冷屋哈哈，滑鼠依貓耍耍。心潮澎湃，如泉新曲啣呀。

【中呂 山坡羊】讀木石散人先生《感事》用韻作

名為公務，實為私務，天天美酒填肥肚。待須臾，卻驚呼，閻羅設宴陰曹處。拼就英名碑上塗。生，難對主；亡，還玷主。

【中呂 山坡羊】老伴病重手術感賦

風雲多變，親情多眷。征程總有難遂願。望湘軒，意纏綿，拙荊病倒心如煎，花甲餘生終共勉。榮，不二選；衰，不二選。

湘軒，指長沙荷花園大廈。第十一屆中國散曲學術研討會於二〇一〇年八月十一日在這裏召開。

【雙調 驟雨打新荷】詠荷

玉潔冰清，屹溝塘水榭，一任婆婆。含苞初放，恰似小嬌娥。綠葉紅花暗影，仰天笑纖枝

婀娜。沐雨後，銀珠翠浮，自在萍荷。 「幺」人間英名早享，競清香四溢，爭泛蓮波。  
愛心承繼，宇內盡歡歌。更出污泥不染，大無畏氣沖山河。且正襟，謙恭敬欽，瀟灑平和。

【中呂十二月帶堯民歌】閨情

分明份淺，難得姻緣。三十年甘辛共嘗，一兩處南北同旋。竊竊的如嗔似怨，卻原來笑在心田。  
「堯民歌」搭橋鋪路線多牽，卻把芳心暗留連。眾人千里梭巡，一意南蠻結姻緣。  
翩躚，相依共晚年，總遂了平生願。

梅雲

熊盛元，號晦窗主人，一九四九年生，江西南昌人

閒來

閒來獨坐古藤陰，隔雨繁枝嘯翠禽。莫問春歸何處去，苔間積恨已深深。

謁金山寺呈印空頓成悟性法師

雪中蕉葉火中蓮，臨濟宗風一脈傳。證到無心花雨落，鐘聲繞樹月橫天。

黃檗希運禪師倡「無心」之說，謂「無心者，無一切心也。如如之體，內如木石，不動不搖；外如虛空，不塞不礙。無方所，無相貌，無得失。」又曰：「但能無心，便是究竟。」金山寺住持印空法師乃臨濟宗四十五代傳人。

感遇

二首

時衰竟安之，忽忽天地改。小狐首將濡，柔中詎可待。抱一居空山，靈芝隨心采。道沖而不盈，谿谷納江海。

幽篁坐終日，引吭自高歌。歌罷復長歎，偃蹇理則那。晞髮人已往，空香滿陽阿。小立潭影翠，薰風起微波。

倦客來訪，與江右諸子小聚城南酒肆，分韻得「物」字

客從潯陽來，襟間靈風拂。盟鷗滄波遠，振衣奇峰崛。湖海氣縱橫，廟堂事密勿。盡將塵世恨，付與杯中物。

青山湖畔小坐，用太白清溪行韻

坐久百念消，藍霞浸碧水。隔葉亂鶯鳴，笑我癡若此。一樹荼靡花，飄落衰鬢裏。吟魂欲何依，願隨赤松子。

庚寅六月初六謁金谿象山先生墓

炎暑銷金石，不磨惟此心。沿溪徑高下，瘞恨草幽深。落照紅依樹，流雲翠滴襟。一元歸易簡，儒釋本同岑。

金水高涼蒞昌與江右諸子聚飲于江灣酒店把酒論詩飛花行令感而賦此

雙龍何矯矯，一女自纖纖。歌起梁塵落，花飛酒興添。濃薰生四座，險夢隔重簾。恍覺炎蒸盡，霜崖影入檐。

座中男士皆豪飲，惟任紛紛女史以茶代酒，坡翁所謂「從來佳茗似佳人」是也。

豫園懷古

荷風起處覺新涼，翠減紅銷鬢亦蒼。四壁藤牽終古恨，一天秋入點春堂。小刀空幻龍飛影，清酒難澆蚓折腸。寄語游鱗休自樂，他年劫換海生桑。

庚寅人日感賦次戴石屏韻

茵茵草色天如海，渺渺京華日掩輝。青瑣雲深芳信閉，紫泉龍蟄大音稀。千年鬼域留冤業，一紙人權說轉機。聞道風從蘋末起，遠嵐空翠濕春衣。

庚寅立秋感賦

荷未枯時鬢已秋，隔溪香黯小紅樓。鳥驚殘夢雲千疊，人坐虛堂茗一甌。鏡裏形骸非舊我，吟邊浩蕩怨靈脩。海塵揚處仙家醉，誰與憑欄詠四愁。

卜算子

端陽後一日江干獨坐

悵倚贛江濱，魂繞湘沅浦。欲采芳蘭遺所思，縹緲人何許。袖底素馨凝，枝上黃鶯語。幽恨蟠胸鳥不知，煙瘴迷今古。

臨江仙

九十春光都過了，一天風雨淒淒。遠山雲樹望中迷，樓高人已去，花落鳥空啼。底事危欄長獨倚，只緣心與天齊。可憐詩絮盡沾泥，奮飛還自墮，留夢武陵溪。

鷓鴣天

惜夢緣女史邀飲，座中與江右諸子論詞

翠裊茶煙鄙吝消，酒邊人語破清寥。聯翩夢影輕於蝶，幽約詞心剝似蕉。愁自遣，韻同敲。漫從當下溯前朝。通靈只在無言處，花雨香雲一例飄。

永遇樂

花已辭枝，香猶盈袂，幽抱誰遣。酒注杯中，愁生鬢底，獨坐深深院。紅窗影隔，蒼苔夢鎖，春去更無人管。待重尋，東君蹤跡，怎禁淚迷雙眼。樓頭悵望，風前淒切，忍聽鳥聲低囀。野渡煙橫，空山雲起，終古音塵斷。黛痕依約，波搖空翠，一棹水天茫遠。斜陽外，晴絲裊處，寸心自繭。

文芸閣《賀新郎 贈梁節庵》：「情不死，春蠶自繭。」黃竹歌成蒼馭杳，恨天荒地老瑤池宴。斜日下，淚如霰。一



# 皎月

伊姝樺（女），一九七二年生，湖北蕪春人

## 卜鄰

一身如雁徙，難卜去留心。月白疑微曙，天長沒遠岑。江南寒色重，夢裏落花深。勝地猶堪擇，美人何處尋？

## 望遠

歲闌空對物華休，一去孤雲不暫留。月色渚邊寒度雁，燈痕窗際碧生愁。懷人夢到蓬山斷，爲客心如春事幽。城下清江歸脈脈，滄波何日命扁舟？

## 浣溪紗

三首

寒鎖空庭不受塵，唯留月魄與梅魂。倚欄無語共黃昏。

雙袖香浮簾外影，一燈紅補夢

邊春。笛聲吹入幾重雲。影轉迴廊月悄然，吹梅風細瑣窗閑。幽香颭夢散如煙。

零落春愁無路避，迷離蝶羽有

時還。憑誰收拾舊悲歡？雪影蕭疎月影寒，年年香壓碧欄杆。人生能得幾回看？

霧鬢分明來夢裏，春愁容易種

人間。不如開向小屏山。

## 鷓鴣天

兩首

冰自勻調玉自研，暗香欲化紫臺煙。隔簾幽夢春扶起，照影清愁月遣還。

燈暈外，畫

欄邊。爲誰禁受曉來寒？檀心深貯他生淚，卻把東風著意瞞。  
燕翦餘寒一一歸，不關風雨也顰眉。拂衣煙翠將愁縮，入手春紅任蝶猜。  
嗚非，梅邊柳畔首重迴。湖雲猶似詩心倦，亂挂林梢濕未飛。  
桑海幻，笑

清平樂

首 四

蝶扶春起，款款疎風裏。裊徧空庭香細細，一縷還畱硯底。  
長憐翠墨紅箋，閑題曉月  
昏煙。梅下有人清倚，飛花欲滿雙肩。  
閑懷乍試瓊簫，平湖欲泛  
碧漪清淺，十里風荷亂。人語黃昏楊柳岸，千疊翠雲初浣。  
微潮。憐取此時幽絕，一彎澹月斜橋。  
幽窗不鎖蛩音，覺來獨自  
木樨香淺，一任簾波捲。月色澹隨秋入院，猶把夢痕輕浣。  
沉吟。空對屏山展翠，同誰夜語燈深？  
雪窗久隔音塵，錦屏空護  
紅樓紫笛，替說春消息。誰見夢華開月夕？曾著丹霞顏色。  
梨雲，從此簪花小字，祇應都化愁痕。

解連環

三疊泉

素絃誰撥？破諸天靜寂，古愁難歇。蕩險壑、萬斛珠傾，任腸轉千回，恨分三疊。乍沸寒  
潭，又漸入、深林鳴咽。正黃昏聽取，恰似陽關，傷懷歌闕。  
淒淒怎如慘別，念長亭  
送遠，餘哀難絕。勸落花、休逐流風，怕捎帶新愁，更無人說。迹託江湖，問畱得、幾分  
孤潔？鑒波心、料羞認取，舊時片月。

### 金縷曲

賀胡老八十壽辰

去矣重迴首，問靈椿、幾番消得，雨僝風憊？桂魄飛來銀光滿，猶照謝庭如晝。人更比、喬峰清瘦。杖履悠然秋色裏，又恰逢陶菊開時候。花與月，共相守。孤雲北望征鴻久，蕩吳江、潮平愁漲，兩難禁受。萬里鄉心無著處，何似水流萍走。但暗憶、忘年師友。數載席前慚說項，負深恩欲報無瓊玖。遙舉盞，爲公壽。

### 金縷曲

寄蘇痕

寒到君邊否？正瀟瀟、飄燈暮雨，猶難將就。千里南淮連東楚，各倚高樓迴首。但目送、烏飛兔走。葉怨飄零鴻怨別，道經年孤夢因秋瘦。嗟樂事，不長久。祇今絳帳恩同受。羨清才、文章衣鉢，未辜江右。獨抱蒼涼箋上句，解得心期依舊。試譜入、冰絃夜奏。韻繞小橋流水地，待相逢採菊歸來後。煙月挂，宅前柳。

### 金縷曲

讀友人詞有寄

俊器疑天授。看斯人、雄兵百萬，筆端驅走。岳起胸中橫滄海，勢逼風從雲就。問朋輩，阿誰敵手？未肯塵中閑獨步，仗豪情更把重霄扣。將短帽，挂星斗。歸來踵接迦陵後，遣騷懷、四絃彈徹，一燈癡守。乍聽徽音銷永劫，換我平生低首。直欲罷、花間雕鏤。他日樽前容抵掌，待從頭與話唐時候。春或在，澹黃柳。

### 雲海

李真龍，一九五四  
年生，江西南昌人

### 澄湖每經過

首 二

澄湖每經過，散誕伴冗員。耿耿多扞格，兢兢益罪愆。大師固涎臉，絕技乃夤緣。几行分  
朦朧，一壁爽博淵。沉澹不同氣，度量隨超然。仰首觀白雲，舒捲在青天。  
澄湖每經過，冬凜復熊熊。春倚楊柳蔭，秋披水波風。此沼雖未蓮，卻引垂釣翁。此鈎憑  
直曲，不望文王逢。世哂君子道，相勉守固窮。明月行似疾，欲追晚霞紅。

### 夢遊翠巖寺

寺遠鐘聲近，山幽鳥韻清。佛前無雜滓，檻外有純情。維我書生重，憑人骨格輕。舉頭月  
非月，慧鏡暮朝明。  
拾級翠巖寺，雲翦山上山。手可攬日月，擷之綴雙鬢。迴望洪都城，贛江玉帶環。虹橋兩  
岸跨，六鐮並彎彎。仰觀與俯視，何似僧家閑。紫煙托殿閣，蒼藤山門攀。幽僻鐘鼓稀，  
逍遙功課刪。風來掃落葉，踏檻問禪關。有衲誰知貧，化緣布施還。餐霞羨辟穀，慚穢松  
鶴顏。

### 感時

首 二

天府震墟災竟儔，江河泛濫古難休。半旗舉國殤舟曲，大燮陰陽不喘牛。  
卯翼休提反哺恩，鞭長能及恃彊援。島礁久伺揚軍演，人質看招大國魂。  
舟曲  
香港

登滕王閣

首二

萬里無雲翳，中原北望平。被襟風浩蕩，作嘯氣崢嶸。鬱鬱西山樹，滔滔贛水聲。江山愛英物，我醉亦書生。  
我詩何處寫？粉壁拒無名。尋常筵會舉，誰知獨特行。閻公欲揚婿，孺子竟璋鏗。此景再難得，憶之慷慨情。

貴溪訪族叔宿天師府近館

鳥聲驚好夢，曙色透窗櫺。鐘傳天師府，威添罡煞靈。伏魔憑慧劍，證果在心燈。珍此醉難得，無爲獨有情。

澄湖漫詠

首六

冬來凍雨日霏霏，久蟄行看瘦翠微。樓閣參差堪障眼，歲時秩序每橫威。危樟立岸排僊仗，垂柳迎霜舞羽衣。仲則吟魂悵修竹，澄湖空袖月明歸。寒霽  
高士心中總有春，寒籠澄碧獨垂綸。南灣傍柳風堪避，北岸朝陽浪可親。幻覺浮標因倦久，疑生香餌卻驚頻。此波最愛清臨髮，得失能忘酒要醇。寒釣  
二三知己載清樽，澄碧波搖月影昏。曲島方傳歌燕婉，霓裳欲破舞紛紜。誰將短嘯哀長嘯，獨把吟魂壯酒魂。寒甚那愁狐腋薄，空調能釀四時春。寒酌  
霜嚴雪肅獨嶙峋，天下全無一點春。楊柳飛絲思縷縷，軒亭歌朗浪粼粼。欲憑翠袖寒侵骨，忍翦冰枝瘦入神。吹笛佩環玉龍怨，月光如水照幽人。寒梅

柳絲垂岸不興波，曲島蒼茫何處歌。霜葉紅消過十月，疎林青盡刺千戈。舉頭看日冰凝鏡，轉面尋風露滴柯。山色湖光共蕭瑟，肯因未歲便愁多？寒霧  
枕衾輾轉夜何長，玉屑多情著柳樟。雁陣雲橫天外唳，龍泉燈射酒中光。沸騰十月威添火，冷落孤襟清滅狂。愁甚獨憑危岸立，寒潭如鏡鬢如霜。寒霜

卜算子 有懷

頻祝歲華新，誰解炎涼苦？盛宴傳杯獨自愁，慷慨風生虎。  
獻壽奉儒商，轉笑儒冠誤。散髮欲辭天下人，削髮千千縷。

西江月 二

首

花鳥饒傳生動，煙雲盡付斟裁。妒芳風雨夜多來，莫怪東君使壞。任是生涯零落，偏將俚語詼諧。孤樽買醉不須催，卻羨文章能賣。  
十里鶯花桃柳，四圍煙雨樓臺。一湖澄碧蕩詩懷，扶醉稼軒同愛。樽酒波間棹去，嘯吟月下誰來？好風亦解論資排，到底書生無奈。

沁園春

重遊嵐峴

春夏秋冬，雪月風花，過去未來。憶松林雨洗，菊籬霜老；梅溪泉咽，竹徑塵埋。使老書生，到傷心地，羌笛秦簫哀復哀。酩酊暮，縱長歌短嘯，不盡吾懷。悠然鐘磬低迴，一刹那豪情冷作灰。問何方淨土，能清污濁；誰稱大德，爲拂靈臺？天接嵐煙，浪消雲腳，無語獨聽獅吼雷。年來也，竟東尋西覓，儒佛徘徊。

## 雲中鸞

王小娟（女），一九七一年生，江蘇南通人

### 血荒

皆言催代謝，猶得固精神。  
祇是尊榮體，無多獻血人。  
丹心誰化碧，德者自趨仁。  
點滴成捐獻，仍然善養身。

### 集賢樓

到此應長拜，樓中集衆賢。  
曾經三兩履，畱步一方天。  
欲拾春秋筆，轉思憂樂篇。  
周遭松柏壟，朝夕隔塵煙。

### 美人蕉

市得塵氛裏，歸培庭院中。  
芳心未展卷，寬葉自搖風。  
過雨呼新綠，開簾識小紅。  
但令春不歇，坐擁美人叢。

### 紅豆

一枚堅硬種，靜默出荒叢。  
偶赴東君約，旋生南國紅。  
情人來樹下，密意印心中。  
渾忘相思地，縈懷原不同。

碼頭工人

津渡劬勞久，羈身未許愁。浪花時綻放，江鳥亦遲留。  
風冷誠呵手，月明還舉頭。何須傷水調，對岸即揚州。

出門

此去如飛鳥，飄然出世塵。長天雖在眼，凡物不關身。  
一月江南客，三時座上賓。渾忘卜歸日，還與舊家鄰。

夏夜郊次

闌朗生郊境，周圍盡月光。盈頭何皎潔，入手甚清涼。  
稚女隨螢至，輕紈撲影忙。遙知秋意動，蛙鼓滿池塘。

鄉間摘桃助學

薄暮天涼爽，驅車向果園。鄉風未盈把，裝載已連番。  
祖父因多謝，孫兒終寡言。歸來城市裏，燈火正喧喧。

謁鄭成功雕像

鄭公凝立處，祭拜豈無因。四海重圍日，孤忠百戰身。  
自憐輕涕淚，誰可靜風塵。缺月幽林上，翻思隔岸人。



### 太湖西山采楊梅

聞道吳門外，田園野色開。明珠湖上熠，嬌女樹邊來。顆顆垂紅紫，殷殷膩頰腮。誰云遊客醉，向晚挈籃迴。

### 母親節有作

廚廩忙碌罷，臨窗生滯歎。容光難再煥，春色竟旁飛。忽念椿萱茂，長嗟照拂稀。佳兒猶膝下，不敢道衰微。

### 與外子

首五

夜來難入寐，枕臂憶當年。任性人皆怪，關情汝獨憐。持家少擔負，修孝竟夸賢。不覺三更盡，鼾聲到耳邊。私語

江流不停歇，來去亦生波。歲月無人主，風霜入鬢多。還將心語話，共與耳廝磨。兒女今成長，豈憂顏色皤。互添白髮

何處春光好，廣場花樹邊。長繩助牽拽，大手送秋千。不覺身輕燕，又教人少年。思將翩眇意，同上彩雲天。晨跑畢，每助我玩會秋千

攜手來江浦，風情又一層。波光正融滙，人影疊相仍。還引心中火，點燃天上燈。倚欄眺望久，不覺月明澄。江邊放孔明燈

念汝行千里，身疲未肯眠。妻兒皆匿迹，消息隔遙川。人海心相接，江鄉水自連。歸來將挂念，共說嫩涼天。攜小女外出，手機停電，遽歸，外子果然已數番電話矣，時客寓贛江

紫藤

冷迎春（女），六十年代生，江西修水人，現居九江

與外子及李師等溯濂溪河

覽勝濂溪境，芳菲照眼明。園居觀福祉，林表燦心晴。源遠連峰碧，澗幽浣女聲。悠然怡所得，妙處不虛行。

西行成都行

一帶清幽地，風馨荷扇輕。鱗波漁竿動，蜀錦綺光盈。鳥至啣溪水，音傳滴玉聲。似曾相識處，若聽喚人名。浣花溪

淺土深層理，琳琅勝錦冠。精良非戰鼓，厚重異珠盤。輪帶風雲綺，翅飛天地寬。性靈歸一體，四境作宏觀。題金沙遺址太陽神鳥圖

素心仰慕是賢才，兩箇癡人今又來。樹茂園宏天地穩，詩豐語峻史安災。山河亦識石壕吏，秋夢誰栽茅屋槐。大雅堂前身久立，憐君寄寓獨登臺。與外子謁杜甫草堂

庚寅元日

雪裏梅香點額妍，眉舒春柳入新年。桃符貼戶雙聯喜，虎步生威五福全。深盞重斟稱逸興，芳園一燦見嫣然。童心未泯聞編炮，尺幅熒屏觀萬千。

外子生日

思國詞鄉齊著鞭，幾曾鶯谷與同遷。寒門寂寞兩知己，暖帳纏綿一夙緣。史信人間言玉柱，心傾才藻步花磚。潯陽此日親朋會，車馬時喧亦泰然。

潯陽春暖

春風春雨又春暉，鳴鳥聲聲悅翠微。草木雲裳晴特秀，湖光山色暖相依。詩心漫向枝頭點，筆墨還從意裏揮。識得人間真趣味，百花僊子好裁衣。

个園迷語

初玉出泥披紫袍，妝成華屋住阿嬌。管絃聲細珠簾密，史冊名標尺節高。映碧一亭臨水榭，修篁幾竿聽波濤。先生池畔真君子，个影清風賦板橋。

濂溪茶樓詩友聚分韻得宵字

陽和時節茗旗昭，日暖清華對畫橈。泉汲谷簾珍玉盞，袖攜雲霧漫心潮。滿堂師論聽玄奧，一縷春風透寂寥。味到甘時詩思涌，霓燈萬點月臨宵。

賦逸塵司琴

本家來聽逸成琴，手捻弓開道古今。耿耿心神馳暢意，欣欣儀態識披襟。膝前學語拘雙律，日後期音振上林。輩出才人誠又是，賢良忠義勝於金。

題自繡贈夫紅玫瑰圖和夫君詩

手起針連縱與橫，胸藏腹稿不須驚。絲絲綉作同心結，脈脈彙成共濟情。花艷誰如天道永，香純還得水源清。年年獨抱君之朵，你我相知在腑城。

分韻『桃李春風一杯酒』賦得風

相呼文苑步生風，玉液頻斟滿飲盅。口若懸河儒釋道，學如穿井聖賢忠。心明可鑒湖中水，山遠猶玄嶺上虹。乘興漫吟非弄月，詞林七子有詩筒。

記得在山泉水清

五首

記得在山泉水清，天弦悠暢鳥和鳴。魚游深淺溪生趣，身坐悠閑手撫箏。枝上觀花六七朵，廬中問語二三聲。白雲生處炊煙起，細理時鮮入味烹。漫斟細酌心田潤，記得在山泉水清。葉葉旗槍紫茉莉，杯杯雲霧幻僊瀛。噙香不倒斯文步，品雪何遙尙武坪。玉盞盛來純入味，銀河難舀此間情。紫硯常磨心底傾，涓涓思緒指間縈。何偕遠浪波濤急，記得在山泉水清。沁月亭中觀夜色，枕流石上聽書聲。蓮馨一杆生花筆，舒向雲天是赤誠。寶齋漫賞方家作，工匠臨摹有似兵。數筆生成今古意，幾人成就百家鳴。誰能如菊功名淡，記得在山泉水清。漁利場中聲鶴起，徒持意斧伐松貞。天地洪荒宇宙成，道玄太極物先生。川渠尙且知通達，欲壑何曾省晦明。自在樓廊觀遠景，但憑海市唵呼聲。冠雲亭裏心魂守，記得在山泉水清。

## 楚成

涂運嶠，一九七二年生，  
祖籍江西臨川，現居武漢

全國哀悼日次日偕黃芝龍、左培鼎、童臣賢、王文海先生過白龍江  
風帶離聲亦淚流，劍門蜀道幾經秋。翠雲廊上常青柏，猶念蒼生到白頭。

### 秋訪宜昌五峰柴埠溪

衆愛尋春我踏秋，萬山紅葉伴行舟。石林密布雲橫塞，絕壁千重立上頭。

### 寄廣元詩書畫學會諸吟長

一別翻疑夢，風高劍閣吟。巴山秋雨夜，松柏故人心。浩蕩江流入，徘徊月照臨。舟移南渡口，折柳已成林。

### 赴廣元途中，接芝龍、培鼎先生短信傳詩有寄

鳳銜好句來，天向劍門開。石疊經千卷，松吟酒數杯。青川奔眼底，昭化倚山隈。翠涌金牛道，采雲相與迴。

### 別應城湯池溫泉

誤落湯池裏，輕花逐浪飛。瓊臺傾玉液，神女濯心扉。枕石雲霑袖，弄潮風疊衣。氣蒸香益久，不忍月明歸。

八月十三日啓宇先生於蓉城接風，次其《搬家》韻有寄

萬壑奔流畫不如，浮生祇合白雲居。草堂尚可容詩聖，廊廟猶能識念奴。將別蓉城情幾許，欲尋蜀道迹全無。一時人物風潮涌，惟學先生好讀書。

題杜甫草堂

浣花溪畔柳如絲，茅屋秋風破幾時。老去猶能高舉酒，春來早已瘦成詩。千竿玉竹臨江舞，一葉蓮舟泊岸遲。獨立草堂思萬古，側身天地與誰期？

成都望江樓書懷

落日浣花蓮葉舟，紅箋漫捲錦江流。濤聲入耳尋詩迹，竹影空心映月樓。崇麗閣中雲已杳，釣魚島上草還幽。籌邊新策賴誰出，滄海東臨淚滿秋。

登五臺山

如來五指曲輕彈，明月前身昨夢殘。花落靈崖僧悟道，松封古剎玉生寒。紅塵猶入三軍陣，欲海難收百丈瀾。錦繡峰前相望久，原來心在白雲端。

鳳凰臺上憶吹簫

劍門詠懷

酒入愁腸，松翻翠浪，旌旗變換城樓。任夕陽沾袖，血色雲收。惟恐瘡痍滿目，多少恨，鯁在喉頭。從今後，風清月白，滄海孤舟。幽幽，百川競秀，千萬座雄關，一任周遊。

念國門非遠，誰與青眸。祇有嘉陵江水，偕舊夢，還向東流。憑欄處，吹簫說劍，又近中秋。

### 滿庭芳

夫復何言兄邀鹿鳴社友登紅安天臺山有感以寄

峰涌紅雲，鹿鳴青野，鷓鴣聲斷空階。綠窗蒼柏，風捲袖生苔。花落驚迴倒水，殘垣外、難辨門牌。百年裏，黃麻人物，多少暮煙埋。傷懷。當此際，江山易翦，世事難排。問寺中明月，知爲誰差？橫笛撫松巖下，偕諸子，放浪形骸。從今後，杜鵑開處，夜夜望天臺。

### 滿庭芳

寄山竹堂先生

黃鶴凝霜，微雲帶雨，月湖輕喚同遊。古梅初綻，春意上眉頭。多少人間舊恨，波濤外，一去幽幽。君休問，琴臺五柳，繫不住蘭舟。沉浮。詩酒裏，清風白雪，玉樹瓊樓。望滄海潮漲，明月含羞。山竹堂前暢飲，念別後，欲語還休。天知否，登高放眼，何處可埋憂。

### 新荷葉

重過東湖亞洲棋院

澤畔行吟，一天春色遲遲。山疊雲霞，長堤煙柳輕垂。飛花似夢，問漁翁、幾度重偕。白鷺橋上，論詩棋院初迴。野鳥空嘯。猶憐芳草萋萋。昨日繁英，而今零落皆非。知音渺渺，笑平生、肝膽誰知。流觴曲水，憑欄風露霑衣。

### 鄱湖漁歌

胡平貴，一九四八年生，江西南昌人

#### 劍塵兄自京返贛與江右諸子聚飲拈已字

贛鄱多俊才，每貴洛陽紙。簫劍濡書香，管絃倚醉起。星依雲渚逐，人厭俗塵累。曼嘯出京畿，詩心終不已。

#### 人物幾個

君王家事難了，萬里封侯暮遲。橫刀一笑桑海，留去昆侖者誰？譚嗣同  
折戟沙沉鐵消，蓋棺莫認前朝。旌旗一路西進，不知誰射天雕。張國焘 上栗張氏故居已列為當地文化保護單位正準備維修  
箇小誠能容物，位高不染俗塵。青山有幸埋骨，曦月終照後人。胡耀邦

#### 象湖

兩首

平湖高閣碧連波，曲岸回廊隱水阿。信有婬娟藏絕島，不施粉黛亦婆娑。隆興島  
澹澹青岑細細風，偶來微雨復朦朧。解舟且借將軍渡，前路徐行鐵柱宮。畫舫

#### 偕江右諸友遊城北山茶園

北郊春有約，攜夢到花城。鎖定層紅影，翻尋紫陌晴。林嵐浮綠水，細柳啣流鶯。醉眼青山小，哦吟草木驚。



金溪謁陸九淵墓約心字

藤苔將古木，風悚鳥歸林。石徑連空遠，芒茅隔澗侵。燃煙聊作祭，合什且為吟。傾耳聆天籟，幽篁註道心。

謁臨川大金山寺用荆公韻

巖巒承法雨，碧水共雲親。紫殿輝禪眼，清鐘度世人。一山春寫意，百樹風拂塵。採得淑靈氣，飄然化作神。

登黃馬白虎嶺依劍川韻

一虎盤松嶺，三江放眼收。雲煙騰四野，天地小九州。望帝空垂淚，登高莫倚樓。不知春夢醒，何處可淹留。

金水高涼兄過昌與江右同仁聚會步梅雲先生韻

暢飲清華婺，飛龍筆自纖。品茶香實在，摘句味平添。翦翦花傳信，行行夢拂簾。西山秋應好，寄語到軒檐。

步韻奉和雨如兄江右歸來

麗日春深風送程，天涯聚散許心盟。尋常水墨江南景，別樣樓臺紫陌晴。逸句當從吟劍起，鴻襟好自採芹生。燕山万里雲高遠，歲月滄桑孰可爭。

聽雨次任紛紛韻

江喧浪湧滾雷長，萬點甘霖濟百香。十面琴聽月埋伏，二泉湖映柳疎狂。漫因幽怨濺珠玉，聊以衷情敲璧瑯。竹澗溪流猶有韻，夢鄉勘破即詩鄉。

將赴小石源探春寄汝啓兄

進退格

綠樹穠桃好箇春，流泉晴旭洗輕塵。攬秋曾醉花邀月，縮地又驚風牧雲。難得石源家釀酒，且憑巒壑夢凝津。一襟終帶書香氣，亭角池頭記炳賁。

遊南昌杏花樓步水村先生韻

兵敗江南未足憐，但憐井石贖餘妍。一聲簫滴婁妃淚，萬載波尋舊日煙。岸柳搖風花不落，春妝拾艷月方圓。琴臺閬苑今猶在，何處亭樓聽錦絃。

觀山茶花後與梅雲草嘯青衫披雲殊熠諸兄遊艾溪湖

醉賞茶花不忍還，驅車復至艾溪灣。飛霞日倦雲猶戀，煮酒風吹月有閑。捉夢人談非即是，聽琴亭近水耶山。霓虹幽竹映湖色，樹影蟲鳴夜籟間。

鷓鴣天

二首

地裂西南雨不澆，東南日日潑如瓢。方驚熵盛春秋亂，又嘆年輕性命凋。樓脆脆，躲

貓貓。幾家燃燭照天燒？梁園復報和諧好，便舉青燈讀帙謠。

煽，熱力學名詞也，描  
述混亂度，本處借用。

鐵鎖梧桐葉影疎，清輝幾點照芙蕖。繞梁飛燕非王謝，借道來賓多馬車。

人認舊，景

如初。紅蓮結子有耶無。青雲也有旁門路，不識人間無字書。

為前校長潘先生專修別墅人去樓  
空，更無往日繁華，聊申一慨。

### 念奴嬌

遊瑤里分客字

青山滴翠，看筠竹、搖出瓊臺嬌色。霧失桃源無覓處，激豔波流澗碧。壑韻徐徐，泉聲隱

隱。水映山清澈。悠遊至此，不知身是閑客。

雲繞峽谷經年，登高曠望，萬里江山闊。

把酒慢吟華表語，芳草長掩亭驛。高嶺崎嶇，古橋顛顛，石碾車痕跡。浮紅香儘，光陰無

奈雕刻。

### 無悶

庚寅仲秋偕巢湖潘樂樂伉儷遊南湖杏花樓分韻得遠字依夢窗格

秋色連波，蘭煙籠翠，一襲輕雲乍捲。正鶯友賁臨，杏樓閑館。悵舊閣淒涼甚，又曾記、清風吹簫管。看井臺遺恨，臨川織夢，絳河遙遠。

塵暖。有羅綺搖紅，探花新宴。詎耐山河垂淚。待吟醉、愁隨流雲散。多少恨、斜倚危樓，

忍望斷鴻歸晚。

### 劇飲千杯

蕭劍勇，一九七一年生，江西泰和人

#### 從江右諸師友游艾溪湖，時與披雲初識

草色真同綠褶裙，回風作舞綻波紋。湖光接影成新賞，儻論於人殿後軍。月下山花寒欲閉，囊中夜氣雜難分。淪君肝膽皆冰雪，來日離歌不忍聞。

#### 為舍弟新居補壁作

堂廡深構閱觚稜，世味悵悵失繖罈。覆手塵寰滋腐鼠，廁身人海試堅冰。伊誰脫帽招多慶，別有傷心謝未能。一樣市橋成獨立，蒼茫雲外看星燈。

#### 減蘭 麥園訪茶花

看朱成碧，辜負韶光長作客。碎錦流霞，瑤闕飛觴十萬家。換。環佩無聲，一曲清歌獨自聽。

青裙玉面，幽夢經年人暗

劍川

毛靜，一九七四年  
生，江西豐城人

曹操墓

曹操墓，鄴城西，不封不樹草萋萋。沉沙千載何處是，叢塚如林今成蹊。當年沛國浪蕩子，行俠縱欲在塵市。一朝湔悟束誕狂，德業豐崇竟如此。命世之才誰與儔，帶甲百萬禦貔貅。掃除四海乘輿挾，談笑英雄曹與劉。橫槩賦詩觀滄海，鞭撻宇內諸侯醜。銅雀分香悲暮年，西陵墓田今安在！君也少年善摸金，發丘累累到深陰。鞭起枯骨裹洪業，劫盡幽壤始甘心。終令慎勿藏金寶，一任佳城鞠荒草。爭奈盜賊不肯憐，泉臺上下窮搜討。想君冕旒假節鉞，金根車駕事僭越。劍履趨庭贊不名，身後豈無物藏窟？可歎當年發塚人，幽塚今朝為人發。斫棺開槨辱遺骸，挖地三尺恣侵伐。又歎千載亂離始承平，承平亦禍梟雄骨。君不見孤魂夜哭烏夜嘯，鼉龍無語對蛟螭。一生征盜與征賊，身後終為盜賊欺。機關費盡終無用，拈虎大戟兮空在茲！

盜墓行

嗟爾吾鄉鄒魯風，簪纓踵武門第崇。生榮死哀勒金石，篆蓋書丹禮名公。悠悠百代陵谷變，昔為富州今為縣。卅年盜起豐撫間，土人嗜利轉相煽。三五成群夜鑿空，發丘穿塚入幽宮。搜劫一夜皆暴富，鄉官坐利作盲聾。邇來愚也好碑銘，廣征博求歎零星。轉走鄉野不得意，卻訝賈人碑滿廳。賈人恃市秘其道，奇貨可居增吾惱。東流閩浙徒奈何，野人芥視我如寶。

文友引我到淘沙，仰給於斯十數家。為言秀市真盜藪，山澤淵深走龍蛇。在在村落潛魁首，擁眾有差滿山走。持鈇插地知有無，空拳往歸獲利厚。吾詰若輩負惡名，三尺法復有神明。爾我皆奉宗與祖，孰忍屍暴枯骨橫。群盜闕然恣誚讓，生有所居死有壙。死死生生只輪回，既愛子孫何厚葬？生來赤子本無之，裏脅名物忒自私。些許不留子孫用，愛惜民力皆虛辭。我輩發丘人曰盜，官家掘墓頻登報。無端發掘帝王陵，焚屍揚灰誰人告？朝朝立法禁挖墳，夜收金寶具空文。傳媒日日推鑿寶，萬口津津說秘聞。珍玩古物多沉鬱，拱壁幾是傳世物？生聚亡散古今同，前人埋寶後人掘。爾輩文人好收藏，夏彝商尊炫琳琅。岸然道貌斥偷盜，古來官盜恰同行。我發古丘辱宗祖，汝詬先賢無君父。鄙薄前人標異新，盜得虛名何足數！我聞此言久無語，幾曾名利度取與。尷尬良箴出賤民，世上萬物同是舉。

### 拓碑歌

天水一朝得人盛，泥馬渡江矜重振。江右世家文獻邦，衣冠萃止稱雄鎮。仕績高行勒貞瑁，名公鉅卿歎唾珍。碑版文字琬琰錄，三絕撰書與手民。金石刊成秘幽壤，百年耕盜出荒莽。千金覓得供蕭齋，摹拓裝池邀同賞。遺石漸出疊如山，遠聘名師到鄉關。椎拓墨色如漆色，鐵畫銀鉤意氣閑。逝者與我隔千載，猶見手澤煥光彩。頑石雖寒若有神，焚香敬禮祭如在。寥寥數行紀平生，聊為一石苦經營。縱有百尺豐碑立，畢竟人間重鄉評。我輩碌碌駒過隙，積得微行不盈尺。無德無能無所刊，只當刻苦在朝夕。

# 劍塵

萬德武，一九七二年生，江西豐城人

## 北行吟草

偶際因緣，得遊萬里，詩無足稱，聊志一時鴻雪耳。

風雲高處俯悲欣，廿載詩魂與夢魂。豈測座隅巒壑變，好尋劫罅友朋溫。枰間芥綴樓千點，

世上蓬飄迹幾痕。

所慰人天存宿諾，

白衣不愧醉瑤樽。

乘機赴二〇一〇青年詩詞峰會

相逢意氣便相親，青眼如君更幾人。共榻劇憐今夜雨，開樽猶帶隔年醇。素心京洛真堪羨，

蓬鬢江湖自可振。

萬里荒城迴首處，還疑酒漬點車茵。

北京晤和軒兄，別後有寄

感子風塵義，遲余數日樽。焉愁失道路，足可話鷄豚。終古堪題葉，連山恰有蓀。朱絃中

夜撫，清響遏浮雲。

紅葉兄遲余數日，酌酒盡歡，良可感也

故老尚儀型，我見欲再拜。入世百不愜，腹中書自曬。長嗟生也晚，落帽欠一快。筆底亦

有珠，祇向階前賣。春溫等是師，紅塵真舒憊。

謁吳老柏森先生

問與鄰家渾不知，十年亦見鬢邊絲。春風扣字今如夢，未忘關山一電馳。

過孔凡師舊居 凡師嘗爲余電報改詩

百戰山河凭定鼎，一時人物此輸誠。任將肝腦膏微蟻，長是風雲擁大旌。金水空迴桑海幻，

褐衣不達曝暄情。我來華表聊閑竚，燦燦繁燈似錦明。

夜過天安門

天意通人意，神明咫尺間。但能持信篤，自可誓河山。古物猶存禮，今賢每笑頑。圓丘重

一望，直欲列朝班。

天壇

歌舞承平去未遙，名園花鳥尙多嬌。清清一勺昆明水，中有錢塘萬古潮。

頤和園

十載一相逢，百年能幾何。風華各自惜，歲月若崩波。盈襟有古涕，持以住娑婆。臨歧莫

揮手，恐使鬢髮皤。諸子應存念，幽人在薜蘿。

京華旅次，數誦「十載一相逢，百年能幾何」，爰以起句，寄茂林、力夫、雪峰、江南諸兄

迢遞關山此遠過，形骸脫略世間羅。小城亦有萬家店，欲賺桃花潭上歌。

葫蘆島訪震宇兄

乾坤幾許塵，饒彼罡風簸。曷似遠歸來，旗亭終古坐。願將宿世因，一爲純情墮。駒隙漫

云空，此間有真我。自京返，旅次洪州，與江右諸子小聚，分韻得「我」字

### 清平樂

重九次和軒兄韻

澆書仗酒，不羨經綸手。如畫江山吾固有，最是秋光清瘦。

茱萸漫插層崗，年年閑送

重陽。一擷松風月露，素心遙與分涼。

### 踏莎行

已夜聽水村先生吹簫

永夜簫清，中天月悄，夢邊蘭佩人空佼。虛窗綺影幻飛紅，凝眸認取春多少。

遠浦粼

粼，流雲渺渺，詞魂莫逐餘音裊。倚欄消領一襟寒，江湖欲寄扁舟小。

### 風入松

次夢窗韻

那時風影甚分明，誰爲鏤心銘。拳芳濯淥空如醉，倚欄處、偏賦傷情。迤邐河梁執手，清

寥畫館聽鶯。浮生終古在長亭，莫漫說陰晴。殘宵起坐燈雲顫，又贏得、一晌銷凝。

浙瀝疎窗雨過，泠泠茗盞涼生。



水調歌頭

庚寅中秋後二日江右象湖雅集次坡公韻

容與小舟上，浩浩水連天。直堪持蟹持盞，遮莫問華年。不謂佳辰無月，恰有飛珠濺雪，瀟灑置秋寒。一賞遠岑媚，沉醉翠嵐間。

喚鷗鷺，吟歸歟，願高眠。笠蓑絕島，蒼莽天地任方圓。摩徧冥冥陳迹，叩徧忽忽過客，且護此心全。本是空中月，隨俗幻嬋娟。

湘春夜月

甚重來，水雲深處瀟湘。看取那日青山，空瘦損劉郎。總是舊曾行處，認夢邊芳草，燕語風檣。正薄寒中酒，柔波蕩臆，誰慰河梁。

年時影事，山花墮鬢，水月冷廊。石徑風薰，第一是、薜蘿騰笑，其婉其揚。靈均漸老，更不吟、蘭佩荷裳。夜未已、對層城結綺燈雲，檻外分付蒼茫。

### 潯陽倦客

李瑞河，一九六四  
年生，江西九江人

#### 上元夜望月不見已而朗照

一冬冰雪洗，三五夜初圓。知有憑欄望，分輝不肯偏。

#### 野桃花

不慣人間錦繡堆，置身獨自向山隈。盡饒地瘠花苞瘦，領受春風一樣開。

#### 觀樟樹落葉作

首 二

萬木枯黃獨翠青，漫天霜雪拒還迎。一冬力戰終憔悴，零落春風不可聽。  
商聲一起各披離，唯有香樟尚獨支。莫以剛強能久遠，青青只是未衰時。

#### 觀街邊籠上鳥作

望斷雲天心已灰，半生都被布包圍。雙翎凋落髀多肉，便出樊籠也不飛。

#### 野花

首 三

荒郊漠漠草連空，領受春風幾處紅。非是容顏偏豔目，風姿不與檻中同。  
紅豔一支蜂蝶縈，郊原俏立草青青。經行料是前緣定，但醉芬芳莫問名。

鳥銜風簸自生來，陌上田頭莞爾開。但得相憐插雙鬢，丰姿一樣向人偎。

### 省圖書館校對古籍

百里驅馳細校書，蠅頭小字看模糊。蠹蟲他日應有語：亥豕魯魚滋味殊。

### 宿撫州金山寺

樹杳僧房靜，經聲雜課鐘。木魚催落月，鐵馬蕩清風。未有參禪意，須知佛法空。慧根原不具，騎虎且相從。

### 同漁歌東華梅雲殊熠謁陸象山墓限心字

披草尋幽徑，隔枝聽鳥音。碑銘風雨蝕，墓道蘚苔侵。學問因時異，機關著巧深。如何窮此理，宇宙是吾心。

### 將遊岳陽先寄去非

知我雲遊欲向西，頻將短信問行期。名山只顧長留客，費盡洞庭無限思。

### 到韶山

龍脈親勘夢已真，終憑湘水奠湘神。山深無處逃秦火，世亂何由作舜民。守屋儼然廬墓者，獻花未必感恩人。帝京一自開基業，草木尊榮萬代春。

靈渠

各引清流共嶺雲，灘江湘水隔山聞。秦皇畢竟雄才略，百越中原不許分。

訪長沙賈誼故居

小街迤邐路燈紅，楚客幽居佇晚風。滿腹文才名器重，三年貶謫仕途窮。離京對策妨周勃，諫鑄文章恨鄧通。縱是純良安治略，經綸豈可損元功。

登岳麓山未果

星城燈火已闌珊，愛晚亭前折步還。豈是路長無腳力，名山不忍囫圇看。

同去非礼忠登岳陽樓時樓正修葺中

巴陵勝狀馳名久，人物風光迥不群。潦倒孤舟杜工部，關情兩字范希文。愧無資格談憂樂，喜共知交看水雲。他日掀開真面目，再傾杯酒奠湘君。

次韻臥雲仙子菊花詩

不懼霜風掠地侵，芳華一展到年深。疏籬結伴由棲隱，狂士孤心費找尋。但孕幽香無早晚，何憐瘦影暗消沉。清吟自有知音在，潘鬢蕭蕭持酒臨。

除夕短信紛來更有一得向閑賀歲詩奉答

迎春爆竹震高天，聲伴知交短信傳。走筆馳思描願景，斟詞酌句話團圓。易為歲底流行語，難得人間錦繡篇。甫接瑤章連夜和，不留詩債到明年。

老家漫成

南出潯陽路轉西，山圍村舍樹高低。春來野徑迷芳草，雨過橫塘漲曲溪。暮月催沉羲氏日，晴窗啼破祖生雞。萍蹤一駐相思地，便把風光著意題。

一年之計

記取臨川歎逝波，陶分禹寸不蹉跎。煙能損肺抽須少，書可修身讀要多。一樣開心寬帶網，偶然放足小山阿。江西活法當為用，莫使詩歌入白窠。

偶感

未有清才對客誇，杏壇寄跡討生涯。幾篇楮墨聊娛己，一點薪酬但養家。閑借雲屏消日月，旁觀草澤走龍蛇。倏然已是知天命，始信光陰不可賒。

鷓鴣天

一夢初醒四十餘，塵間寄跡任乘除。難更舊習眉含蹙，不合時宜髮懶梳。屏鍵冷，月燈孤。天風拂檻晚來徐。人前且盡閑言語，棄置房中幾櫃書！

# 庚寅夏課：

偶感、感事、感懷，擇一即可

出題：紅葉；點評：梅雲

## 雲中鸞

### 感事

洪水湯湯襲到門，微身何計得生存。萬家豐實翻波沒，一帶玄陰壓晝昏。民命不容天命惜，野人還沐國人恩。唯嗟草木新茸處，劫難來年又印痕。

梅雲：感洪災而能如此沉鬱，殊不易也。頷聯極見爐錘，頸聯亦佳，惟「野人」當在「國人」之中，似稍遜出句之妙語天成也。

## 向閑

### 家常偶感

難得僂家避穀方，此生銷盡若山糧。小鮮烹罷門深閉，大味成時夜未央。漸信謀篇同煮米，已知琢句似熬糖。漫將火候調生息，消受開鍋一綫香。烹調

水粉調和水電通，更無砧杵到簾櫳。滌除泥垢歸湖底，收儲陽光入室中。一竿飛花春撲撲，兩人牽被樂融融。偶然翻得兒童襪，驚嘆光陰快似風。洗曬

天下難除除一室，黎明即起北窗開。艱成蛛網由他補，未請灰塵厭自來。勤理詩書心不蠹，常思貧賤眼無埃。何年拭得真如淨，勝似家中有積財。掃除

梅雲：由家常事生發聯想，得誠齋活法，見性情之淡定。「儲」字古讀陳如切，平聲，今則作上聲矣。

## 季 江湖小李

玉樹行

鰲魚一翻動，勢摧屋脊高。玉樹冰壓雪，在劫逃難逃。西南旱仍酷，天公故酩醕。電視泣  
屏幕，善心看拔毛。卻聞諾基亞，不肯捐分毫。職工私獻愛，魷魚海掀濤。此輩白眼狼，  
肥壯賴吾膏。無仁肆掠奪，越弱越桀驁。

梅雲：針砭醜惡，頗得香山樂府之神，而又具時代色彩及自家面目。結句突兀，似難收束全篇。此次  
社課，七律佳作甚夥，而五古則罕有問津者，為在吾社倡導『歌詩合為事而發』之風氣，特置此首為  
第三。

## 庚寅秋課：

親情

出題：

雲中鸞；

點評：

仰齋

## 紫藤

攤破浣溪沙

夢父母

莫是行來又夢中，親親猶見好姿容。依舊春風心底起，語吳儂。  
林透霧影叢叢。一箭鄉愁何處寄，月如弓。

仰齋：親情多從瑣細事表現，此詞則以空靈見長，較為突出。擬拔置榜首。

金雀呼晨聲細細，青

## 亞 江湖小李

父僂於春正月，奉遺命歸葬祖墳，忽忽半載有餘。於桓兒將赴雲南上學前入夢，將送行乎？因文字紀之

人間生死勘須破，心上親情捨割難。十里松崗人望月，百年衣彩夢承歡。歸來瘦骨存神貌，坐處春風帶笑顏。許是行期翁早卜，將孫佑送彩雲南？！

仰齋：首聯即自爲開合，理與情相糾葛，甚佳。餘亦流暢。僂屈居榜眼。

季 向閑

憶先君

若有人兮山之巔，爲我生存磨破肩。彼何人兮吾之父，養我教我一年復一年。若有人兮山之腳，送我入城眉梢樂。彼何人兮吾之父，依稀記得踽踽歸山瘦輪廓。若有人兮山之腰，安居土石不動搖。彼何人兮吾之父，子欲養時魂魄向何招！

仰齋：做騷體別具一格，筆酣墨飽，詞順意達。但以此形式緬懷亡父恐不甚妥。僂作殿軍。

庚寅冬課：

任取衣、食、住、行之  
一義爲詠，題自僂。

出題：紫藤：點評：水村

特邀

料 向閑

衣

爬行久厭髮鬚垂，狂嘯三聲立兩肢。覺醜知羞圍樹葉，御寒保暖取狼皮。何時金殿分朱紫，



此日梯臺走怪奇。翻羨山中耕伐客，半身赤裸鼓胸肌。梯臺，指時裝模特表演的「型臺」。

食

腹飽何須據瓦崗，從來要政勸農桑。君知驅吏「收捐稅」，民解開門「盼闖王」。周粟幾人嫌味惡，黃梁一夢煮心傷。厭聞廣厦觥籌響，坐看炊煙半里長。

住

大庇殊難況大同，盛唐尙且嘆秋風。自眠八尺哦新句，不溯千年弔廢宮。寸土從來非我有，萬樓原可任他空。無爭見慣飼魚佬，漫向塘邊搭竹篷。

行

萬卷書殘待若何？感知日少犯疑多。史詩未可忽忽寫，遊屐還須慢慢磨。一夜動車穿半壁，卅年醫案看全科。儒生欲問誰堪儼，飽水勤蹄效駱駝。

水村：眼尖筆辣，任隨揮使。後三章尤見出色。本期此當爲首！然勸之：詩主敦厚，尙須畱人暇思，一味快意，未必可取。括號標明處對仗不很理想。

## ㊦ 江湖小李

自題山居

周末正高臥，客來驚黃狗。推窗見豪車，開門迎舊友。活水煮山茗，禾鎌刈秋菲。市遠無兼味，待客傾村酒。細詢別後蹤，弄潮成小富。公司立鵬城，京滬設分阜。又告某同窗，去年分牧守。問我怎山居？張口復囁嚅。城中居不易，逃山結蔽廬。地鄰湘與贛，因以號

江湖。短籬分菊徑，涓涓瀉石渠。晨昏唯鳥語，往來見樵夫。夜來籟俱寂，松窗亂疊書。謀食仍小鎮，摩托代蹇驢。年來費經營，出入漸可喜。春水漲平池，石徑平如砥。呼兒采野莓，身在白雲裏。風雪不出門，圍爐對妻子。人羨雲中雁，我志蓬間雀。雁高聲自遠，雀卑亦安若。不見山中木，高低分強弱。冬索而春敷，夏茂而秋落。花開復花謝，盛衰之所託。友人聞我言，矍然似不樂。午後驅車去，神情殊落寞。目送車塵遠，霜葉正斑駁。水村：隱山之情可見，而隱山之志未堅，當然最好不堅。那是古人沒奈何去的地方。委婉周詳。好句多已拈出。第二等！

## 季 西江釣徒

### 野遊

怡性隨心何所求？無人迹處與鷗遊。鈎藤厭若站街女，枉擗青衫約逗留。

### 閑遊樂清劉公谷

青山無主赤松遊，勒石依稀谷姓劉。觀景如同觀美女，流連數步一迴頭。劉公谷俗稱僊師巖，

坐落湖橫馬鞭山兩岸間。劉公者，劉默，山東沂州人，南宋紹興二年樂清令，有政聲。

水村：兩絕皆後聯佳。有意境，第三等！

一縷 台灣

大話

天地何其大，盡藏方寸心。千秋隨左右，日月只時今。呵氣雲山疊，揚眉霧海沉。說來如一夢，人在醉中吟。

丁螢

女，江  
西臨川

題圖

高閣瓊臺接嶺齊，蓮花照雪映清溪。大鯨走浪馳天宇，長劍裁風落玉霓。羈旅不思家遠近，休閒莫問路東西。一行拋卻煩心事，此水此山由我棲。

丁曉玲

女，江  
蘇鎮江

春日黃鶴山訪東坡竹院遺址

荒橋野徑白雲堆，松影竹聲推不開。鶯與春爭公甚有？花同山笑客遲來。也如天際萍浮水，肯學年時蟻聚槐？醉墨三千誰省得，題詩休教近烏臺！

小小

女，  
上海

登南湖煙雨樓懷古

小樓獨倚正秋初，三兩雁聲雲外疎。雪舫風流傷舊憶，紅船歲月作新書。情懷都化高低柳，

水岸依然深淺蘆。悵望蓮舟空客渡，幾回煙雨鎖重湖。

王蟄堪

天津

浣溪紗

謁胡耀邦故居

猛志端知未肯降。垂簾往事話同光。程嬰杵臼共留芳。

漫擬和諧資穩固，寧憑褒貶定

不過再試

內蒙二連浩特，南昌就學

將開學檢點行裝感賦一律

前度南遊春好雨，此時行路客秋風。由說拓戟平生未，詎擬漏卮懷抱空。一笑酒兵人落落，三年粟里夢忽忽。青萍袖手雲千里，盡變徵聲入耳中。

天狼

吉林琿春

無題

天涯無處繫行舟，搖落珠星乘月遊。斗柄易傾筵易散，心田難種影難留。懶聽簫管吹新曲，笑慰冰魂劫後愁。萬疊雲程歸棹遠，信誰煙浪一箋收？

# 五月雪飛

新疆庫爾勒

## 臨江僊

庚寅歲尾有記

枯柳斜陽山徑雪，風揚汽笛悠悠。紅衫一影鎖離愁。浮雲濛碧宇，冰靜水無流。終是長霄清管寂，淒淒白月寒眸。履行千徧舊沙洲。鴻飛餘泥爪，梅綻有誰收。

## 文若

江蘇淮安

## 城居夏暝

小城新雨後，街市瞬間喧。鐵馬盤中沒，火球樓外昏。單車歸晚路，霓綵亂高門。閃爍穹廬上，依稀皆彈痕。

## 文華堂

湖南長沙

## 臨江僊

西曆二〇一〇歲杪於郴州聽昆曲是夜有梅花獎蘭花獎得主於鐻射大幅牡丹下演唱牡丹亭清唱水調歌頭雨霖鈴踏莎行等歌舞妙曼不知今夕何夕也故有此解記一時之勝

夜雪瑤臺鐻射影，梅紅更伴蘭馨。風情萬種玉娉婷。牡丹花下舞，歌吹動天星。琴瑟和諧原一夢，哪堪兒女簫笙。淒涼最是踏莎行。古今多少事，都向戲中聽。

## 水村

廣西柳州

## 錦里

錦里當年夙所傾，此來猶似古風縈。街衢何處留珠履，樓觀疇時聽玉箏。退食早營三窟計，

歸林及看百花榮。漫遊不意今何世，粉黛絃歌夢裏生。

**水虎英雄**

廣西  
柳州

**遊蓮花山**

一棹尋幽趁曉來，山間野色任心裁。  
江靈爲我增情趣，添朵青蓮水底開。

**半葉**

女，江  
蘇鎮江

**惑**

許是前生未合群，梅花如雪白繽紛。  
春迴萬物歸於夢，風送離歌高入雲。  
人有癡心長作繭，世多憂患莫從文。  
紅塵開我深情目，望冷空山竟似焚。

**白雲飛**

重慶，居  
廣東中山

**憶戊子登祝融峰**

飛馳萬里訪靈山，時值江南五月天。  
初履高臺憐日曬，及登絕頂覺衣單。  
潮音隱約原非夢，古木參差即是禪。  
杳杳浮雲思不得，思之幾度瘦吟肩。

汀州白鷺

安徽  
蕪湖

題於大浦筆會後

公輸後世有能工，墾出藍田碧玉叢。渠引兩湖龍脈水，篇開八皖豹頭風。神農荷耒談生態，作手觀園嘆匠功。若待遊人恍如織，新陳紅粟萬箱空。

司馬長風

江西  
湖口

遊龍山寺

龍山藏古寺，鐘鼓染晨昏。竹葉遮幽徑，松風叩素門。移雲窺井露，分棘覓鹽痕。雜草迷心境，吾何種慧根。

芊若

女，河  
南鄭州

箇儂

庚寅初秋次韻梅兮若

正雨綿塵淨，悵離合、傷心行止。風起雷車，雲低天幕，問過影、幾曾同己。蕭颯秋涼，輕羅衣暖，正隔雨相望，遠山高髻。似有靈魂，一般臨世。要再品、人間滋味。淡淡生涯，讓清音、閑辭小備。迴首你我休教，相逢不識。浮生怎計。嘆祇是、年光老矣。休鎖眉間，但存意外，不過看、梅蘭君子。一字閑敲，三生忙錄，更獨坐屏前，閑愁暫礙。讀菜根譚，賞群英會。者世界，空靈之裏。彼岸青蓮，度何人、夢中沈睡。知道『我』在何方：儂醒了未？

## 江南楚客

江蘇  
南京

秋韻

玉露楓林分外清，釣舟初蕩宿鷗驚。  
紫霞紅葉三山落，曉月歸鴻半島鳴。  
雨後高天雲澹色，檐前細語燕多情。  
賞心更有黃金甲，四野風流鬱翠屏。

## 冰川

江蘇  
徐州

無題

夜隱青山徑更幽，柳絲輕曳小橋頭。  
斜欄醉倚閑望月，影入清泉逐水流。

## 林清曉

女，江  
蘇南京

偶翻昔年讀譚嗣同傳摘句有感

三首  
選一

漫從冰雪寄深盟，身自浮沉心自清。  
入世初看人百態，迴眸已滅夢三生。  
周旋久矣幸猶我，進退難乎誰復驚。  
手把殘箋笑年少，秋風掃盡晚蟬鳴。

## 雨如

河北  
唐山

歌聲飄過三十年感賦

卅載驚來一夢柯，那堪重聽昔年歌。  
承平世裏清懷減，坐雨宵中幽感多。  
楊柳長翻新部調，



風塵便染舊山河。憑誰也記開元曲，收拾滄桑入硯磨。

昆陽子

河南居江蘇鎮江

双双燕

海棠影動，正頑頑于飛，柳絲輕翦。銜泥啄草，並入畫梁深院。栖寄新巢燕婉。又私語，春長宵短。江山麗日無邊，夜夜鴛鴦沙暖。堪羨。今生永伴。勝王謝堂前，一朝消散。天南地北，顛顛夢寒人遠。憐否依門向晚。莫故自，伶俜相見。幾番冒雨來歸，不放翠簾高捲。

往齋

上海

庚寅夜鼠子驚夢憶拆遷事

石室光宣築，春風丁亥來。諸紳因旨動，一夢卻峯迴。牙吮深宵厲，鼠饑羸柱哀。公胡題合去，歲歲許人猜。

金水

北京

庚寅孟冬夜宿野雲廬

多少風雲共俎樽，四年重上野雲門。蟹膏滿溢紅魚滑，鹽菜新蒸白酒溫。一夜巴山當日雨，千秋詩夢此時痕。醉來何慮身難寄，地主藤牀為我存。

孟依依

女，  
北京

贈隨兒

我的玩具熊

憨憨笑笑喜團團，身內無腸體故寬。宛轉青春隨寂寞，蕭條世事共辛酸。癡情託出無從勸，惡夢覺來相對看。舉世獨教君識我，如何竟不著衣冠。

春江水

女，湖  
南岳陽

喝火令

中元節思親

墜葉飄香砌，秋聲透早寒。小園幽寂影翩躚。今夜月華如練，卻是寄冥錢。酒入愁腸碎，無眠託夢難。眉間心上皺成團。不盡相思，不盡淚潸然，不盡恨如潮涌，清露灑霜天。

柳父

江西景  
德鎮

月初五過清華呈勇太兄兼謝兆雄諸兄

東風何澹蕩，花木足妖嬈。鐘唄藏精舍，鱗波亂畫橋。氤氳聆秀句，醅酌勸春醪。更訂茗眉約，從君論楚騷。

恨比春深

河南  
鄭州

古意

代昔我言志

蛾眉不愛長安月，不須畫師筆爲折。夜闌春深繡鴛鴦，當時曾照丈夫血。

秋靈

女，臺  
灣，旅美

相思兒令

題圖

又是月圓時候，風澹素衣輕。拋久探春消息，聽慣夜無聲。  
何是卿卿。和衣簽字凌波，泠泠休亂君名。

繫網萬縷絲橫。碧雲深、

泉名

湖北  
武漢

致賊

忍施妙手啓衡門，雨夜風寒亦苦辛。空有一分孤膽在，憐君祇作竊鈎人。

風中飛羽

江蘇  
揚中

庚寅戊申，迎遠客同遊招隱寺，歸後補作兼寄諸公

涼自山隰出，客從遠道來。因追王子迹，還仰戴公才。青蘚猶初發，鸚喉久不開。清音何處是，顧影喟然迴。

風露中宵

江蘇  
徐州

南山

久厭紅塵亂，獨身入遠林。清溪流古韻，山月靜禪心。大隱追王孟，飄蓬感杜岑。南山猶待我，醉臥撫瑤琴。

素心若雪

女，福  
建廈門

浣溪沙

水冷煙沉棹若耶，葦蘿誰識夕陽斜，當年笑語浣春紗。  
荷花。五湖徒說共浮槎。

故國興亡歸野土，美人魂魄認

桃盆栽

湖南居  
廣州

棗園偶得

自向園中撲，西鄰失舊題。因知冬棗夢，不在浣花溪。  
香聚心能品，珠搖眼欲迷。囫圇吞  
亦得，歸去語山妻。

徐迅

江西  
南昌

江右五憶

一選

散原野老動豪吟，夢向江西社裏尋。欲與梅雲談往事，晴廬早拜伯嚴心。  
梅雲吟友

徐教五

一九一八年生，湖北  
蕪春人，居臺灣花蓮

秋思

瑟瑟西風起薄寒，蕭條客館思無端。年年長是人千里，滿眼黃花帶淚看。

除夕書懷

少年意氣欲鵬搏，誰識人間行路難？今日龍鍾無那老，客窗孤淚一燈寒。

友人得家書有感

手提囊劍走天涯，醉裏乾坤夢裏家。咽盡冰霜人已老，怕聽玉笛落梅花。

秋望

扶筇東郭外，大塊有文章。遠浦初紅蓼，秋風欲白霜。山高天作蓋，水闊海容航。卻怕冰輪出，低頭思故鄉。

紅塵

湖南  
長沙

滿庭芳

三月十五日，與劍塵兄重會於長沙橘子洲公園，賦此見意焉

春水搖堤，春風拂檻，與君重會惺惺。夜來多雨，誰意此朝晴。玉苑煙光靜好，偷相遞，三兩流鶯。修廊下，臥花眠竹，渾欲起來迎。江亭。擡醉眼，山雲正靄，巒樹方青。且莫思塵事，俱放骸形。自古風流易散，閑過了，空惹傷情。須同我，各舒高詠，畱待百年聽。

梅兮若

女，居  
海外

采明珠

昨夜接蘭寶傳訊古風諸子，知新誕麟兒已近二月，百感交集，故作

一畹芳，盡洗塵幽，何況蘭滋九畹？曲水澤雲生，對坐空香晚。比來似、婉媚流光，解語

心眼。暗認清妍，猶教香遣繡案。金玉盞。深深愿。一度比于燕。雙去遠。二度爲看。露濃枝暖。垂蔭明珠滿。料知她，再度逢來，好合百年美眷。蟾娥如曉，夜愁添半。

梅如是

四川  
樂山

揚州慢

歸家

涯岸荒煙，暮天昏月，客船錯放平蕪。恨微蒙野火，亦取笑征夫。更誰把、栖鴉喚醒，鬢絲催白，愁接窮途。問東風、還甚勾留？零淚成珠。廿年闊別，怯重逢、前事都無。是老大傷悲，眉心落泊，燈盡山枯。賺得影單如此，春光變、逝水嗚嗚。縱佳人曾許寒盟，殘夢難蘇。

梅兜兜

女，江  
西南昌

江右詩社秋日招飲和仰老

一徑西風霜滿林，天招吟旆敵寒侵。掃階殘葉蕭蕭落，隔案深觥緩緩斟。浮世偏磨人好夢，經年未改我初心。歸來坐對秋霄白，獨有閑情不可任。

高涼

廣東高州，  
居北京

莫問

莫問傷麟絕道蹤，和風一例守中庸。光塵沉是魚千里，霜雪誰憐路幾重。水向巖間分急浪，

雲隨雨處失奇峰。閑身醉後渾無奈，徒自援桴擊鼓鐘。

唐小令

女，陝  
西西安

小徑

惆悵起秋風，荒寒未許捉。葉落年復年，小徑白斑駁。

惜夢緣

女，江  
西南昌

浣溪沙

過九江與江右詩社諸兄小聚

一路輕塵薄雨消，潯陽城外聽江潮。黃楊落葉正蕭蕭。

漫向茶煙談逸事，好分詩韻破

清寥。可堪歸去又迢迢。

南鄉子

月夜

影瘦倚欄杆，月色清寒澹似煙。塵世悲歡無盡數，悠嘆。欲擷流星枕夢邊。

怎奈夜將

闌，一曲雲歌久未彈。幸有多情風照舊，綿綿。漫送輕愁過遠山。

酒寒

旅居  
海外

南歌子

兩岸

小雨分居處，香煙蒸發時。移雲粘上此相思。灑過花兒，便付與泥兒。

夜扣三更響，

窗敲一片癡。繡花雙枕記前詞。有對人兒，兩腕繫紅絲。

清角吹寒

湖北武漢，  
居廣州

步酒風兄秋夜韻

長空擎筓月如流，高閣風清好箇秋。遙辨疏星窮眼界，暫驅俗務下心頭。卅年勤苦憐吳喘，萬里雲天動杞憂。老至猶堪事耕作，今生合是一癡牛。

萩菝

女，臺  
灣高雄

洞天春

記遠方友人到遊

和風綠蔭清曉。暫避紅塵擾擾。勝境居鄰歷遊少。正伊人來到。依依兩互倚靠。麗日穿林閃耀。一探山深。翠微幽絕。春情方好。

漢宮春

春節感記

街市喧囂。徧城鄉巷弄。錦繡盈眸。輕嘆年華若夢。逝水悠悠。歸心似箭。怎偏教、緩步車流。還道是、忍經此路。便能一解鄉愁。趁得人圓時節。正歲新景色。好作良遊。奈何東風無力。冷雨難休。三杯老酒。聊開筵、招喚朋儔。拋卻那、煩憂舊事。瞻望一切從頭。

葉子

女，河北  
石家莊

庚寅重迴母親故居

寂寂空園舉步艱，重來苔迹已斑斑。臨風竚立萱堂下，嚮夜期逢枕夢間。望斷遙空星黯澹，



坐穿寒月淚潺湲。忍聽別院喧闐語，惟引青燈待鶴還。

清平樂

讀陶集用和軒兄重九韻

停雲止酒，千古如椽手。三徑尋來松竹有，爭奈披離消瘦。

黃花不與斜岡，萸風又滿

重陽。漫說前朝舊事，知他魂夢溫涼。

雲雀

女，浙  
江僑居

舊地重遊

等閑老卻少年心，舊地重來感不禁。斑駁蒼苔依舊是，玲瓏紅豆可堪尋。虹橋抱石溪聲激，斜日銜山竹影深。一笑浮雲成過往，飛花餘韻耐長吟。

雲想容

女，山  
西運城

北固山偕多景詩社於文清社長、丁小玲女史並昆陽子、無鋒及風中飛羽諸君登樓茗坐，北固詩文堪佐茗，憑欄銷盡古今愁。勢爭鹿鼎聲俱遠，雲對大江閒自流。放眼片鷗歸海角，極天何處是蓬州。吟懷當羨諸君子，菊酒重陽更上樓。

雲樓月

女，山  
西運城

無題

佳期迢遞直疑愆，清露桂花空可憐。但見風聲先過海，旋知夜雨復瞞天。琉璃世界傷淅瀝，

霹靂心情傾忿悵。悵望帷中雙翦水，西窗淹臥對無眠。

### 雲月一鶴

江西  
修水

#### 臨江僊

修水兜率寺

綠逐龍安風水露，四時涌動雲松。蓮花金綫暗形蹤。重重疊疊，沐物阜僧豐。  
音驚佛客，千年兜率禪宗。大雄寶殿火香彤。青燈黃卷，溢暮鼓晨鐘。  
曲曲梵

### 雲生海樓

江蘇  
江陰

#### 應碧山吟社諸友邀聚於吟苑

何處風光待我吟，名園春色舊曾臨。漱香亭外香如故，渡碧橋頭碧漸深。小坐長宜烹雪葉，清談略許洗塵心。今來非作山陰客，乍會群賢感不禁。

### 雲偕鶴影

女，  
重慶

#### 宴清都

讀艾克哈特·託爾《新世界——靈性的覺醒》隨筆

寄裏安尋我。茫然際，忍又重看今我。蜿蜒來路，霜風襲袂，絮萍知我。靈根淺培於我。慧谷磬，應曾呼我。嗟此生，糾結小我。癡我、舊我、新我。小我，臨在難臻。癡我，回耐情多羈我。執迷舊我。舊我，總是影隨新我。真吾混同假我。幸瑤卷，殷殷顧我。但警心，明月挑肩，清風扶我。

雲夢浪子

江蘇  
無錫

遊村溪感作

澹澹西山日，泠泠秋水濱。  
蘆叢生薄靄，魚浪亂浮蘋。  
陌北雙栖樹，墟前獨立人。  
鷓鴣空好意，涕淚益沾巾。

湖東居士

湖南  
衡陽

朝中措

次韻西江釣徒讀稼軒集

有懷沙場豈望覓封侯？十論付東流。  
看取吳鉤搵淚，憂懷復國難求。  
博山道上，鬱孤臺下，杜宇聲幽。  
姑且帶湖栽柳，手招鷗鷺同酬。

游暢

浙江  
湖州

西湖棹中贈同遊，試以景點名柳浪聞鶯嵌詩

春深一棹水盈盈，細雨微波載夢輕。  
入眼空濛眞翰墨，扶雲飄渺小蓬瀛。  
滿身傷痛差能洗，半盞心燈似可明。  
便動長風催柳浪，不聽塵囂但聞鶯。

寒硯

江西  
南昌

小石源夜話用鳴韻

遙憶秋深夜，寒蟬猶自鳴。  
亭中一壺水，山外幾豪英。  
撲火蛾飛急，窺私風拂輕。  
女兒未

肯睡，天上亮晶晶。

無以為名

上海

遣懷

十首  
選一

養晦何須效釣翁，蟄居郊野辟詩叢。  
書攤柿葉憂經雨，扇合桃花怒受風。  
得失兩歧爻演義，興亡一晒酒盈盅。  
青梅煮盡無餘子，才讓曹劉並世雄。

無稽齋主

四川  
什邡

初到敦煌

莽蕩黃沙遠接天，唐風韻藉白雲傳。  
文章無計分優劣，經略因誰別後先。  
澈曉月泉猶照影，關心佛法已如煙。  
党河餘潤依然在，問道方知愧古賢。

楊青青

女，陝  
西寶雞

中秋

二首

一時繾綣一時迷，桂影婆娑滿石梯。  
秋景難看畫橋外，雁行又過小樓西。  
信無傳說共天老，依舊淒涼與夢齊。  
料是姮娥知我意，今宵圓缺費人題。

夢煙霏

遼寧  
錦州

有記

禪唱青箋兩不宜，前事猶忘後事追。有佛能醫清淨海，無書可記黨人碑。杜鵑枝上三更雨，故紙堆中幾寸絲。見說無情經也慣，五湖煙水略相知。

楚魚

江浙

登臨海古長城

江山雄氣此長浮，坐踞東南送盡秋。帶雨風來吹不壞，拍天浪至抗無休。摩挲高壁懷陳跡，指點斜陽起暮愁。一自南塘歸去後，幾人眼裏見神州？

明抗倭名將戚繼光，字元敬，號南塘，晚號孟諸，戚曾以此為據點抗擊倭寇入侵。

楚家冲

山東

暢想

茅廬傍磬石，青竹倚雲宵。待客棋一局，吟詩酒半瓢。書從窗雨讀，扇共月陰搖。畱戀山中好，長安夢已迢。

### 零落一身秋

安徽人居  
江蘇揚州

#### 秋水時至

草根蛩語漸消磨，一任流雲染夢多。守得扁舟依舊約，浮來小月傍殘荷。花痕已逐藍煙去，萍影曾聽紫雁歌。明歲春風吹又動，微將心事問魚何。

### 紫簫吟月

女，山  
東荷澤

#### 秋鴈南回致仰齋先生

白雲生天際，疏影繞萬村。幽雁南巡處，落葉滿秋痕。長江歸帆遠，知我更何人。

### 虞廷

重慶

南昌旅次逢西歷除夜蒙盛元曉華宴請江右詩社諸子作陪仰齋老翁以『落霞孤鶩齊飛秋水長天一色』分韻得鶩字

客行南昌道，天寒朔風怒。滕王閣下過，煙水滿江渚。悵望家山遙，忽忽歲雲暮。江右有故人，萍水偶相聚。除夜燈火明，金樽再三舉。酒酣復高歌，萬感紛無緒。或憂國運艱，神廟走碩鼠。或嘆逝者斯，俯仰成今古。又復話文壇，傷心王勃序。百年文氣衰，秦火猛於虎。舉世喜諛辭，誰運郢人斧。不覺夜已闌，月落贛江渡。明朝揮手別，去去如孤鶩。

虞某人

江西景德鎮

贈子夜吳歌君

邇來誰念子衿青，惟覺霜天夜色暝。欲問東歸吳季札，鄒風以下歌還聽？

題贈半葉女史

感君月夜撫濤箋，歛視團旋裊裊煙。意釋龍蛇懸玉腕，神凝鳳鶴聳香肩。柳筋生韻風來際，旭草成狂酒醉先。巧以詩才宏架構，一勾一畫出新天。

步逸雪逃塵原玉並贈上半年廣州聚宴諸詩友

六出消融喜見梅，漸多新蕊上新枝。朔風當道應無畏，春意如潮已預知。收攏寒香歸玉盞，鋪陳落瓣滿丹墀。新筵派酒知深淺，飲半酣時逼得詩。

煙雲了了

女，遼寧錦州

庚寅冬月聞雷

底事天心怒，無端動疾霆。雲沈飛雪黯，夢遠素馨零。冷意侵遙塞，空花落膽瓶。迴看窗下柳，猶帶一痕青。

感秋

獨倚欄杆沐晚風，廊間水月已如弓。襲人香自霜襟冷，慰眼青從柳夢空。一曲桐音驚海客，三更樹影臥秋蟲。爐煙散盡雲蹤渺，此刻歸心誰與同。

孤鸞 感事

猗猗清魄。嘆襪底塵生，玉肌冰蝕。顧眄流哀，水珮風裳空碧。臨波那堪照影，意沈沈、古愁紛織。漫道雲階月地，倚幽香如昔。對虛窗、怯撫湘靈瑟。縱招得青鸞，猶耽夢隔。況是羅浮遠，更怎尋仙跡。徒憐素心錯許，任芳魂、為伊輕薄。迴首煙波渺處，但一天寒白。

漁語樵言

江西九江

漁父

曲岸汀沙綠蓼洲，青蓑箬笠幾經秋。迢迢瘦影雲中雁，隱隱殘霞浪底舟。露水沾衣風拂面，煙波散髮柳梳頭。蘆花野渡盈壺酒，沈醉歸來月滿樓。

漁唱起三更

福建漳州

雨中登雁蕩山應師門月課

梧桐掩蔭徑深斜，是處清寒別有些。一壁嶙峋煙若夢，兩肩撲簌水和花。龍湫瀑激人先噤，雁蕩雲低我欲拏。宜雨宜晴俱好景，此心疎放即無涯。



### 綠楊煙外

女，  
重慶

河傳 感舊

明月，傾雪。霓虹未歇，似星明滅。那時歌罷醉扶歸，入幃，夢酣誰解衣。  
近來髣髴  
經千劫，縱淒咽，莫向燈前說。立秋風，恨未窮。聽蛩，群山入夜中。

### 綠茗清風

江西  
贛州

秋思

佇望長天人不歸，層巒綠減雁南飛。音書久滯情何寄，獨向西山悵落暉。

### 嘿嘿

女，河  
北滄州

夜寒思親

風冷飛霜霰，東園菊半殘。遙思親在北，聞道雪連天。月自幾時暗，夢能今夜圓？言歸將  
綺服，傍坐火爐前。

### 墨滌生

重慶

水調歌頭 寄人

袖月獨吹笛，襟上止星霜。經年槎影漂泊，何處是吾鄉？歌罷春風舊曲，醉拾籬邊黃菊，

對影獨疏狂。乘夢三千里，明月被雲妨。眼前淚，筆端墨，腹中腸。彈窗照影，薄煙霜月兩茫茫。心字紅箋寄爾，多少柔情如水，日日對長江。濤起耽魚信，雲起誤歸航。

蕭散

廣東  
佛山

南薰樓

並將雙翼搏風起，勢拔天南孰與群？故國沈淪驚客夢，龍舟池畔識南薰。

南普陀寺

紛紛梵唱出蘭若，日薄空寒斂夕霏。有客龕前深合掌，落花身世芥塵微。

少年遊

煙光溶漾板橋西，花氣漲湫池。桃源舊路，漁郎重到，空自亂紅飛。今誰共我春風底？勝有酒盈卮。剎那榮枯，尋常醒醉。一任暮雲垂。

羲皇上人

河北  
邯鄲

山居將雨

晚來欲雨傍山居，古剎鐘聲接太虛。迎面塵揚風細細，入空星隱道徐徐。千番逸興吞兼吐，萬象彤雲捲復舒。極目蒼茫胸次闊，還攜詩意入華胥。

# 瀚海胡楊

江西景  
德鎮

## 浣溪沙

與友瓜棚夜話

雨後蛙聲鬧野塘，舊時雲影總難忘，與君燈下話滄桑。

萬戶分田春水暖，千藤織夢草

棚香。曉來霞綺醉川岡。

## 好事近

風裏涉江流，依約舊遊芳陌。當日柳陰分袂，負薔薇畱客。

夢邊桃楫已無蹤，襟素

寄冰魄。燈影伴人凝竚，賞湖山寒色。

## 邀月

四川  
廣元

## 題畫次雨寒韻

青是藤蘿白是沙，半江煙渚半江霞。行舟不問秦時路，夾岸猶飛隔世花。

## 獨笑樓主

遼寧葫  
蘆島

## 金錯刀歌

西京群儒多有方，推衍世運崇公羊，劉向兼之通穀梁，五德始終立其綱，漢德既衰孰可當，向有子歆道益彰，爭立古文氣昂昂，不下博士讓太常，莽者外戚初潛藏，幼孤且貧學優長，與歆相善同爲郎，乘時奮起心何強，託古改制稱先王，一往弗顧天龍驤，勃焉而興忽焉亡，良法美意中天殤，後史曰篡有餘殃，我今覽古多憂傷，是非奧理同誰商，幸有一錢逃滄桑，

燈下摩挲供審詳，篆勢端穆金輝煌，二千年後有餘光，鑿壁貯之遺昊蒼。

### 獨孤食肉獸

湖北  
武漢

#### 童年路上

鄉關東望水雲遑，隧接千山一鳥飛。車曳長煙衝雨去，燈昏小站下人稀。遙村五月應深夢，春陌行囊有夏衣。明旦故樓仍逐客，野芳夾岸柳依依。

### 藍天孤鶴

甘肅天水  
居蘭州

#### 羈旅拈飛字

客裏秋深綠漸稀，薄寒幾度上人衣。雲高遮盡南天雁，水冷飄殘西塞暉。送酒阿誰同菊夢，尋詩我自遠心機。此中也有知音者，何必思鄉淚暗飛。

### 臨川沐風

江西臨川，  
居廣州

#### 積雨

不見陰霾散，幾人慷慨同。魚蟲失道路，霹靂走空蒙。悵望何多感，謀身計獨窮。飄搖一燈下，忽忽五更風。

戴壽泉

湖南邵陽

經白竹坳去狗頭寨

煙帶遠眉橫，山鷄貼耳鳴。海形方閃爍，樹色忽分明。攬勝羊腸道，護身天子兵。欲攀高境界，一路問泉聲。

鍾靈毓秀

女，河北唐山

感事

江湖何處不離群，世事沉浮累眼分。宦味曾無陶令酒，官階已罷謝玄文。臨關路險誰謀計，背水更深各布軍。莫信人前稱手足，應知棋後是風雲。

離垢居

女，湖南株洲

石源雅集分韻得荒字

向來心力懶，遊興久拋荒。寒濕滋春病，流年感別傷。忽有石源令，召我赴田莊。赧然抱幼子，側身君子行。田莊多桃樹，更復多瓊漿。列席春風下，桃雨紅衣裳。欲作銷愁旅，詎料愁益長。暫爲座上客，那得片愁忘。落英盈杯盞，山風吹溫香。晨星甫墜地，一一整行裝。腥塵百千丈，到處演悲涼。恨不瞽雙目，彼此不相望。歸去生涯苦，重來渺無方。故知西林憾，末及劉柴桑。

蘇青

女，雲南紅河

江南遊記

十首  
選三

紅箋小樣自天涯，錦壁珠簾始見家。燕子歸來應正好，一方春水落桃花。媚香樓  
河塘水柵調頭灣，殿閣連棚奉比干。無怪商人多不義，神僊已絕舊心肝。烏鎮財神灣  
鍾山風雨自經春，芳草青連嶺上雲。見說金陵風景好，遊人爭弔李香君。中山陵

蘇山郎中

江西  
都昌

庚寅秋再遊陶家沖依齒分韻得六魚

披荊幽澗遠，臨水豈觀魚。林茂知樵樂，雲閑出岫初。千年追勝跡，兩度訪殘墟。歸夢丘  
山裏，清風拂面徐。

顧邪

上海

五律

清晨之翠野，隰鳥趣相爭。流霧山間白，薄曦衣上輕。江川微昔志，日月忘斯行。不覺竚  
雙足，來聽松海聲。

# 江右詩社名錄

顧問：仰齋

社長：梅雲

秘書長：鄱湖漁歌

社委：一得愚生、向閑、東華人氏、梅雲、鄱湖漁歌

社員：一得愚生、天一谷、今是昨非齋、水擊三千、西江釣徒、向閑、任紛紛、江湖小李、抱月齋、東華人氏、披雲、草嘯、胖大海、紅葉、紅土川原、華仔、菜人、殊熠在天、虔青草、梅雲、皎月、雲海、雲中鸞、紫藤、楚成、鄱湖漁歌、劇飲千杯、劍川、劍塵、潯陽倦客、鷹鳴

## 社務

總務：鄱湖漁歌 財務：東華人氏、殊熠在天

## 論壇

壇主：向閑 網管：鄱湖漁歌

版主：紫藤、潯陽倦客、水擊三千、劍塵、紅葉、今是昨非齋、天一谷

客版：蕭散、煙雲了了、虞某人、荻荻、瀚海胡楊

## 社刊

主編：梅雲 執行主編：一得愚生

編輯：水擊三千、劍塵

## 特別鳴謝：

湖北蘄春籍旅臺詩人徐教五老先生、河北石家莊詩友葉子女士為本集付梓給予慷慨捐助！